



玉臺新詠集



玉臺新詠

集十卷

四部叢刊初編集部

玉臺新詠集序

陳尚書左僕射太子少傅東海徐陵孝穆撰
夫凌雲槩日由余之所未覩千門萬戶張衡之所
曾賦周王璧臺之上漢帝金屋之中玉樹以珊瑚
作枝珠簾以玳瑁爲柙其中有麗人焉其人五陵
豪族充選掖庭四姓良家馳名永巷亦有潁川新
市河間觀津本號嬌娥曾名巧笑楚王宮裏無不
推其細腰衛國佳人俱言訝其纖手閱詩敦禮豈
東鄰之自媒婉約風流異西施之被教弟兄協律
少小學歌長生河陽由來能舞琵琶新曲無待石
崇篋篋雜引非關曹植傳鼓瑟於楊家得吹簫於
秦女至若寵聞長樂陳后知而不平盡出天仙闕
氏覽而遙妬至如東鄰巧笑來侍寢於更衣西子
微頰得橫陳於甲帳陪遊馭娑騁纖腰於結風長
樂鴛鴦奏新聲於度曲粧鳴蟬之薄髮照墮馬之
垂髮反插金鈿橫抽瑤樹南都石黛最發雙蛾北
地燕支偏開兩靨亦有嶺上仙童分九魏帝腰中
寶鳳授曆軒轅金星將婺女爭華曆月與姮娥競
爽驚鸞冶袖時飄韓掾之香飛燕長裾宜結陳王
之佩雖非圖畫入甘泉而不分言異神仙戲陽臺

無別真可謂傾國傾城無對無雙者也加以天時
開朗逸思離華妙解文章尤工詩賦琉璃硯匣終
日隨身翡翠筆牀無時離手清文滿篋非唯芍藥
之花新製連篇寧止葡萄之樹九日登高時有綠
情之作萬年公主非無累德之辭其佳麗也如彼
其才情也如此既而椒宮宛轉柘觀陰岑絳鶴晨
嚴銅蠡畫靜三星未夕不事懷衾五日猶除誰能
理曲優遊少託寂寞多閒厭長樂之疎鍾勞中宮
之緩箭纖腰無力怯南陽之擣衣生長深宮笑扶
風之織錦雖復投壺玉女爲歡盡於百嬌爭博齊
姬心賞窮於六箸無怡神於暇景唯屬意於新詩
庶得代彼臯蘇齟茲愁疾但徃世名篇當今巧製
分諸麟閣散在鴻都不籍篇章無由披覽於是然
脂暎寫弄筆晨書選錄艷歌凡爲十卷曾無參於
雅頌亦靡溢於風人涇渭之間若斯而已於是麗
以金箱裝之瑤軸三臺妙迹龍伸蠖屈之書五色
花牋河北膠東之紙高樓紅粉仍定魚魯之文辟
惡生香聊防羽陵之蠹靈飛太甲高擅玉函鴻烈
仙方長推丹枕至如青牛帳裏餘曲既終朱鳥窓
前新粧已竟方當開茲縹帙散此緙繩永對翫於

書幃長循環於織手豈如鄧學春秋儒者之功難
習實專黃老金丹之術不成固勝西蜀豪家託情
窮於魯殿東儲甲觀流詠止於洞簫變彼諸姬聊
同棄日猗歟彤管無或譏焉

玉臺新詠目錄卷之一



古詩八首

古樂府詩六首

枚乘

雜詩九首

歌詩一首

李延年

詩一首

蘇武

羽林郎詩一首

辛延年

怨詩一首

班婕妤

董嬌嬈詩一首

宋子候

漢時童謠歌一首

同聲詩一首

張衡

贈婦詩三首

秦嘉

秦嘉妻答一首

徐淑

飲馬長城窟行一首

蔡邕

飲馬長城窟行一首

陳琳

詩五首

徐幹

室思詩一首

又

情詩一首

又

定情詩一首

繁欽

古詩為焦仲卿妻作

無名氏

玉臺新詠集序

玉臺新詠卷之一

古詩八首

其一

上山採蘿蕪下山逢故夫長跪問故夫新人復何如
如新人雖言好未若故人姝顏色類相似手爪不相如
相如新人從門入故人從閣去新人工織縑故人工織素
織縑日一匹織素五丈餘將縑來比素新人不如故

其二

懷懷歲云暮螻蛄多鳴悲涼風率已厲遊子寒無衣
衣錦衾遺洛浦同袍與我違獨宿累長夜夢想見容輝
容輝良人唯古歡枉駕惠前綏願得常巧笑携手同車歸
既來不須更又不處重闌諒無晨風翼焉得凌風飛
眊眊以適意引領遙相睇徙倚懷感傷垂涕沾雙扉

其三

冉冉孤生竹結根泰山阿與君為新婚莞絲附女蘿
菟絲生有時夫婦會有宜千里遠結婚悠悠隔山陂
思君令人老軒車來何遲傷彼蕙蘭花含英揚光輝
過時而不採將隨秋草萎君亮報高節賤

妾亦何為

其四

孟冬寒氣至北風何慘慄愁多知夜長仰觀衆星列
三五明月滿四五蟾兔缺客從遠方來遺我一書札
上言長相思下言久離別置書懷袖中三歲字不滅
一心抱區區懼君不識察

其五

客從遠方來遺我一端綺相去萬餘里故人心尚爾
文彩雙鴛鴦裁為合歡被着以長相思緣以結不解
以膠投漆中誰能別離此

其六

四座且莫誼願聽歌一言請說銅爐器桂嵬象南山
上枝似松柏下根據銅盤雕文各異類離婁目相聯
誰能為此器公輸與魯班朱火然其中青烟颺其間
從風入君懷四座且莫歡香風難久居空令蕙草殘

其七

悲與親友別氣結不能言贈子以自愛道遠會見難
人生無幾時顛沛在其間念子棄我去新心有所歡
結志青雲上何時復來還

其八

穆穆清風至吹我羅裳裾青袍似春草長條隨風舒朝登津梁山蹇裳望所思安得抱柱信皎日以爲期

古樂府詩六首

日出東南隅行

日出東南隅照我秦氏樓秦氏有好女自言名羅敷羅敷善蚕桑採桑城南隅青絲爲籠繩桂枝爲籠釣頭上倭隨髻耳中明月珠綠綺爲下裳紫綺爲上襦觀者見羅敷下檐捋髭鬚少年見羅敷脫巾着幘頭耕者忘其耕鋤者忘其鋤來歸自相喜但坐觀羅敷使君從南來五馬立踟躕使君遣吏往問此誰家姝蒼云秦氏女且言名羅敷羅敷年幾何二十尚未滿十五頗有餘使君謝羅敷寧可共載不羅敷前置辭使君一何愚使君自有婦羅敷自有夫東方千餘騎夫婿居上頭何以識夫婿白馬從驪駒素絲繫馬尾黃金絡馬頭腰間鹿盧劍可直千萬餘十五府小吏二十朝大夫三十侍中郎四十專城居爲人潔白皙髯頗有鬚盈公府步冉冉府中趨坐中數千人皆言夫婿殊

相逢狹路間

與樂府極異爲

相逢狹路間道隘不容車如何兩少年挾轂問君家君家誠易知易知復難忘黃金爲君門白玉爲君堂堂上置樽酒使作邯鄲娼中庭生桂樹華燭何煌煌兄弟兩三人中子爲侍郎五日一來遊道上自生光黃金絡馬頭觀者滿路傍入門時左顧但見雙鴛鴦七七十二羅列自成行音聲何雍雍嗚鶴鳴東西廂大婦織羅綺中婦織流黃小婦無所作挾瑟上高堂丈人且安坐調絲未遽央

隴西行

天上何所有歷歷種白榆桂樹夾道生青龍對道隅鳳凰鳴啾啾一母將九鵝顧視世間人爲樂甚獨殊好婦出迎客顏色正敷愉伸腰再拜跪問客平安不請客北堂上坐客羶氈氈清白各異樽酒上正華疏酌酒持與客客言主人持却略再拜跪然後持一杯談笑未及竟左顧勅中厨促令辦餽飯慎莫使稽留廢禮送客出盈庭中趨送客亦不遠足不過門樞取婦得如此齊姜亦不如健婦持門戶勝一大丈夫

艷歌行

翩翩堂前燕冬藏夏來見兄弟兩三人流蕩在他
縣故人誰爲補新衣誰當旋賴得賢主人覽取爲
吾緩夫婿從門來斜倚西北晒語卿且勿晒水清
石自見不見何纍纍遠行不如歸

瞻如山上雪

瞻如山上雪皎若雲間月聞君有兩意故來相決
絕今日斗酒會明旦溝水頭蹀躞御溝上溝水東
西流淒淒復淒淒嫁娶不須啼願得一心人白頭
不相離竹竿何嫋嫋魚尾何徒々男兒重意氣何
用錢刀爲

双白鶴

飛來雙白鶴乃從西北來十將五五羅列行不
齊忽然卒疫病不能飛相隨五里一反顧六里一
徘徊吾欲啣汝去口噤不能開吾欲負汝去羽毛
曰摧頽樂哉新相知憂未生別離踟躕顧群侶淚
落縱橫垂今日樂相樂延年萬歲期

雜詩九首

枚乘

其一

西北有高樓上與浮雲齊交疏結綺窓阿閣三重
階上有絃歌聲音響一何悲誰能爲此曲無乃杞

梁妻清商隨風發中曲正徘徊一彈再三嘆慷慨
有餘哀不惜歌者苦但傷知音稀願爲双鴻鶴奮
翅起高飛

其二

東城高且長逶迤自相屬迴風動地起秋草襲且
綠四時更變化歲暮一何速晨風懷苦心蟋蟀傷
局促蕩滌放情志何爲自結束燕趙多佳人美者
顏如玉被服羅衣裳當戶理清曲音響一何悲絃
急知柱促馳情整巾帶沉吟聊躑躅思爲雙飛燕
啣泥巢君屋

其三

行行重行行與君生別離相去萬餘里各在天一
涯道路阻且長會面安可知胡馬嘶北風越鳥巢
南枝

其四

相去日已遠衣帶日已緩浮雲蔽白日遊子不復
返思君令人老歲月忽已晚棄捐勿復道努力加
飧飯

其五

涉江採芙蓉蘭澤多芳草採之欲遺誰所思在遠

道還顧望舊鄉長路漫漫浩浩同心而離居傷憂以終老

其六

青青河畔草鬱々園中柳盈々樓上女皎々當窓
漏娥娥紅粉粧纖纖出素手昔爲娼家女今爲蕩
子婦蕩子行不歸空牀難獨守

其七

蘭若生春陽涉冬猶盛滋願言追昔愛情欸感四
時美人在雲端天路隔無期夜光照玄陰長嘆戀
所思誰謂我無憂積念發狂癡庭前有奇樹綠葉
發華滋攀條折其榮將以遺所思馨香盈懷袖路
遠莫致之此物何足貴但感別經時

其八

迢迢牽牛星皎皎河漢女纖纖濯素手札々弄機
杼終日不成章泣涕零如雨河漢清且淺相去復
幾許盈々一水間脉脉不得語

其九

明月何皎々照我羅裳幃憂愁不能寐攬衣起排
徊行客雖云樂不如早旋歸出戶獨彷徨愁思當
告誰引領還入房淚下沾裳衣

歌詩一首并序

李延年

李延年知音善歌舞每爲漢武帝作新
歌變曲聞者莫不感動延年侍座上起

舞歌曰

北方有佳人絕世而獨立一顧傾人城再顧傾人
國傾城復傾國佳人難再得

詩一首

蘇武

結髮爲夫婦恩愛兩不疑懽娛在今夕嫵婉及良
時征夫懷遠路起視夜何其參辰皆已沒去去從
此辭行役在戰場相見未有期握手一長歎淚爲
生別滋努力愛春華莫忘歡樂時生當復來歸死
當長相思

羽林郎詩

辛延年

昔有霍家奴姓馮名子都依倚將軍勢調笑酒家
胡胡姬年十五春日獨當爐長裾連理帶廣袖合
歡襦頭上藍田玉耳後大秦珠兩鬟何窈窕一世
良所無一髮五百萬兩鬟千萬餘不意金吾子娉
婷過我廬銀鞍何煜燦翠蓋空踟躕就我求清酒
絲繩提玉壺就我求珍肴金盤鱸魚貽我青銅
鏡結我紅羅裾不惜紅羅裂何論輕賤軀男兒愛

後婦女子重前夫人生有新故貴賤不相踰多謝
金吾子私愛徒區區

怨詩一首并序

班婕妤

昔漢成帝班婕妤失寵供養於長信宮
乃作賦自傷并爲怨詩

新製齊紈素鮮潔如霜雪裁爲合歡扇團圓似明月
出入君懷袖動搖微風發常恐秋節至涼颼奪
炎熱棄捐篋筒中恩情中道絕

董嬌饒詩一首

宋子侯

洛陽城東路桃李生路傍花花自相對葉葉自相
當春風東北起花葉正低昂不知誰家子提籠行
採桑織手折其枝花落何飄颻請謝彼妹子何爲
見損傷高秋八九月白露變爲霜終年會飄墜安
得久馨香秋時自零落春月復芬芳何時盛年去
歡愛永相忘吾欲竟此曲此曲愁人腸歸來酌美
酒挾瑟上高堂

漢時童謠歌一首

城中好高髻四方高一尺城中好大眉四方皆半
額城中好廣袖四方用匹帛

同聲詩一首

張衡

邂逅承際會偶得充後房情好新交接恐慄若探
湯不才勉自竭賤妾職所當綢繆主中饋奉禮助
蒸嘗思爲莞蒨席在下蔽匡牀願爲羅衾幃在上
衛風霜洒掃清枕席鞞芬以秋香重戶結金局高
下華燈光解衣巾粉卸列圖陳枕張素女爲我師
儀態盈萬方衆夫所希見天老教軒皇樂莫斯夜
樂沒齒焉可忘

贈婦詩三首并序

秦嘉

秦嘉字士會隴西人也爲郡上掾其妻
徐淑寢疾還家不復面別贈詩云爾

其一

人生譬朝露居世多屯蹇憂艱常早至歡會常苦
晚念當奉時役去爾日遙遠遣車迎子還空往復
空返省書情悽愴臨食不能飣獨坐空房中誰與
相勸勉長夜不能眠伏枕獨展轉憂來如尋環匪
席不可卷

其二

皇靈無私親爲善荷天祿傷我與爾身少小罹榮
獨既得結大義歡樂苦不足念當遠離別思念叙
歎曲河廣無舟梁道近隔丘陵臨路懷惆悵中駕

正躑躅浮雲起高山悲風激深谷良馬不迴鞍輕
車不轉轂針藥可屢進愁思難為數貞士篤終始
恩義不可促

其三

蕭蕭僕夫征鏘鏘揚和鈴清晨當引邁東帶待雞
鳴顧看空室中髣髴想姿形一別懷萬恨起坐為
不寧何用叙我心遺思致款誠寶釵好擢首明鏡
可鑿形芳香去垢穢素琴有清聲詩人感木瓜乃
欲荅瑤瓊愧彼贈我厚慙此往物輕雖知未足報
費用叙我情

秦嘉荅妻詩

徐淑

妾身不令嬰疾兮來歸沉滯兮家門歷時兮不
差曠廢兮侍親情敬兮有違君兮今奉命遠邇兮
京師悠悠兮離別無因兮叙懷瞻望兮踴躍佇立
兮徘徊思君兮感結夢想兮容輝君發兮引邁去
我今日乖恨無兮羽翼高飛兮相追長吟兮永歎
淚下兮沾衣

飲馬長城窟行

蔡邕

青青河邊草綿綿思遠道遠道不可思宿昔夢見
之夢見在我旁忽覺在他鄉他鄉各異展縣轉不

相見枯桑知天風海水知天寒入門各自媚誰肯
相為言客從遠方來遺我雙鯉魚呼兒烹鯉魚中
有尺素書長跪讀素書書上竟何如上有加飧食
下有長相思

飲馬長城窟行

陳琳

飲馬長城窟水寒傷馬骨請謂長城吏慎莫稽留
太原卒官作自有程舉築諧汝聲男兒寧當格鬪
死何能怫鬱築長城長城何連連連連三千里邊
城多健兒內舍多寡婦作書與內舍便嫁莫留住
善事新姑嫜時時念我故夫子報書與邊地君今
出語一何鄙身在禍難中何為稽留他家子生男
慎莫舉生女哺用脯君獨不見長城下死人骸骨
相撲挂結髮行事君慊々心意間明知邊地苦賤
妾何能久自全

雜詩五首

徐幹

其一

沉陰結愁憂愁憂為誰興念與君相別各在天一
方良會未有期中心摧且傷不聊憂食食慊々常
飢空端坐而無為髣髴君容光

其二

峨峨高山首悠悠萬里道君去日已遠壽結令人
老人生一世間忽若暮春草時不可再得何爲自
愁惱每誦昔鴻恩賤軀焉足保

其三

浮雲何洋洋願因通我辭飄飄不可寄徒倚徒相
思人離皆復會君獨無反期自君之出矣明鏡暗
不治思君如流水何有窮已時

其四

慘慘時節盡蘭華凋復零喟然長歎君息期慰我
情展轉不能寐長夜何綿々躡履起出戶仰觀三
星連自恨志不遂泣涕如涌泉

其五

思君見巾櫛以益我勞動安得鴻鸞羽觀此心中
人誠心亮不遂搔首立悄悄何言一不見復會無
因緣故然比目魚今隔如參辰

室思

人靡不有初想君能終之別來歷年歲舊思何可
期重新而忘故君子所猶譏寄身雖在遠豈忘君
須臾既厚不爲薄想君時見思

情詩

高殿鬱崇崇廣廈淒淒冷微風起閨闈落日照階
庭踟躕雲屋下笑歌倚華楹君行殊不返我飾爲
誰榮鑪薰闔不用鏡匣上塵生綺羅失常色金翠
暗無精嘉肴既忘御旨酒亦常停顧瞻空寂寂唯
聞燕雀聲憂思連相屬中心如宿醒

定情詩

繁欽

我出東門遊邂逅承清塵思君即幽房侍寢執衣
巾時無桑中契迫此路側人我既媚君姿君亦悅
我顏何以致拳拳縮臂双金釵何以致殷勤約指
一双銀何以致區區耳中双明珠何以致叩々香
囊繫肘後何以致契闊繞腕雙跳脫何以結恩情
美玉綴羅纓何以結中心素縷連双針何以結相
投金薄畫搔頭何以慰別離耳後玳瑁釵何以荅
歡悅純素三條裾何以結愁悲白絹双中衣與我
期何所乃期東山隅日旰子不來谷風吹我襦遠
望無所見涕泣起踟躕與我期何所乃期山南陽
日中兮不來凱風吹我裳道遥莫誰覩望君愁我
腸與我期何所乃期西山側日夕兮不來躑躅長
歡息遠望涼風至俯仰正衣服與我期何所乃期
山北岑日暮兮不來淒風吹我衿望君不能坐悲

苦愁我心愛身以何爲惜我華色時中情既款款
然後尅密期褰衣躡茂草謂君不我欺則此醜陋
質徒倚無所之自傷失所欲淚下如連絲

古詩爲焦仲卿妻作并序 無名氏

漢末建安中廬江府小吏焦仲卿妻劉氏爲仲卿母所遣自誓不嫁其家逼之乃沒水而死仲卿聞之亦自縊於庭樹時傷之爲詩云爾

孔雀東南飛五里一徘徊十三能織素十四學裁衣十五彈箏篴十六誦詩書十七爲君婦心中常苦悲君旣爲府吏守節情不移賤妾留空房常見常自稀彼意常依依雞鳴入機織夜夜不得息三日斷五匹大人故嫌責非爲織作遲君家婦難爲妾不堪驅使徒留無所施便可白公姥及時相遣歸府吏得聞之堂上啓阿母兒已薄祿相幸復得此婦結髮同枕席黃泉共爲友共事三二年始爾未爲久女行無偏斜何意致不厚阿母謂府吏何乃太區區此婦無禮節舉動自專諸吾意久懷忿汝豈得自由東家有賢女自名秦羅敷可憐體無比阿母爲汝求便可速遣之遣去慎莫留府吏長

跪告伏惟啓阿母今若遣此婦終老不復取阿母得聞之槌牀便大怒小子無所畏何敢助婦語吾已失恩義會不相從許府吏默無聲再拜還入戶舉言謂新婦哽咽不能語我自不驅卿逼迫有阿母卿但暫還家吾今且報府不久當歸還必相迎取以此下心意慎勿違吾語新婦謂府吏勿復重紛紜往昔初陽歲謝家來貴門奉事循公姥進心敢自專晝夜勤作息伶俜縈苦辛謂言無罪過供養卒大恩仍更被驅遣何言復來還妾有繡腰襦委葦自生光紅羅復斗帳四角垂香囊箱簾六七十綠碧青絲繩物物各自異種種在其中人賤物亦鄙不足迎後人留待作遺施於今無會因時時爲安慰久久莫相忘雞鳴外欲曙新婦起嚴粧着我繡袂裙事事四五通足下躡絲履頭上玳瑁光腰若流紈素耳着明月璫指如削葱根口如含朱丹纖纖作細步精妙世無雙上堂拜阿母阿母怒不止昔作女兒時生小出野里本自無教訓兼愧貴家子受母錢帛多不堪母驅使今日還家去念母勞家裏却與小姑別淚落連珠子新婦初來時小姑始扶牀今日被驅遣小姑如我長勤心養

公姥好自相扶將初七及下九嬉戲莫相忘出門
登車去涕落百餘行府吏馬在前新婦車在後隱
隱何甸甸俱會大道口下馬入車中低頭共耳語
誓不相隔鄉且暫歸家去吾今且赴府不久當還
歸誓天不相負新婦謂府吏感君區區懷君既若
見錄不久望君來君當作盤石妾當作蒲葦々々
紉如絲盤石無轉移我有親父兄性行暴如雷恐
不忍我意逆以煎我懷舉手長勞勞二情同依依
入門上家堂進退無顏儀阿母大拊掌不啻子自
歸十三教汝織十四能裁衣十五彈箜篌十六知
禮儀十七遣汝嫁謂言無誓違汝今何罪過不迎
而自歸蘭芝慙阿母兒實無罪過阿母大悲摧還
家十餘日縣令遣媒來云有第三郎窈窕世無雙
年始十八九便言多令才阿母謂阿女汝可去應
之阿女含淚荅蘭芝初還時府吏見丁寧結誓不
別離今日違情義恐此事非奇自可斷來信徐徐
更謂之阿母白媒人貧賤有此女始適還家門不
堪吏人婦豈合令郎君幸可廣問訊不可便相許
媒人去數日尋遣丞請還說有蘭家女承籍有宦
官云有第五郎嬌逸未有婚遣丞爲媒人主簿通

語言直說太守家有此令郎君既欲結大義故遣
來貴門阿母謝媒人女子先有誓老姥豈敢言阿
兄得聞之悵然心中煩舉言謂阿妹作計何不量
先嫁得府吏後嫁得郎君否泰如天地足以榮汝
身不嫁義即體其往欲何云蘭芝仰頭荅理實如
兄言謝家事夫壻中道還兄門處分適兄意那得
自任專雖與府吏要渠會永無緣登即相許和便
可作婚姻媒人下牀去諾諾復爾爾還部白府君
下官奉使命言談大有緣府君得聞之心中大歡
喜視曆復閱書便利此月內六合正相應良吉三
十日今已二十七卿可去成婚交語速裝束絡繹
如浮雲青雀白鵠舫四角龍子幡婀娜隨風轉金
車玉作輪躑躅青驄馬流蘇金鏤鞍齎錢三百萬
皆用青絲穿雜彩三百匹交廣市鮭珍從人四五
百鬱鬱登郡門阿母謂阿女適得府君書明日來
迎汝何不作衣裳莫令事不舉阿女默無聲手巾
掩口啼淚落便如瀉移我琉璃榻出置前牕下左
手持刀尺右手執綾羅朝成繡被裙晚成單羅衫
晝日欲暝愁思出門啼府吏聞此變因求假暫
歸未至二三里摧藏馬悲哀新婦識馬聲躑躅相

逢迎悵然遙相望知是故人來舉手拍馬鞍嗟嘆
使心傷自君別我後人事不可量果不如先願又
非君所詳我有親父母逼迫兼弟兄以我應他人
君還何所望府吏謂新婦賀卿得高遷盤石方且
厚可以卒千年蒲葦一時紉便作旦夕間卿當日
勝貴吾獨向黃泉新婦謂府吏何意出此言同是
被迫逼君爾妾亦然黃泉下相見勿違今日言執
手分道去各各還家門生人作死別恨恨那可論
念與世間辭千萬不復全府吏還家去上堂拜阿
母今日大風寒寒風摧樹木嚴霜結庭蘭兒今日
冥冥今母在後單故作不良計勿復怨鬼神命如
南山石四體康且直阿母得聞之零淚應聲落汝
是大家子仕宦於臺閣慎勿爲婦死貴賤情可薄
東家有賢女窈窕艷城郭阿母爲汝求便復在旦
夕府吏再拜還長嘆空房中作計乃爾立轉頭向
戶裏漸見愁煎迫其日牛馬嘶新婦入青廬淹淹
黃昏後寂寂人定初我命絕今日魂去尸長留攬
裙脫絲履舉身赴青池府吏聞此事心知長別離
徘徊顧樹下自掛東南枝兩家求合葬合葬華山
傍東西植松柏左右種梧桐枝枝相復蓋葉葉相

交通中有雙飛鳥自名爲鴛鴦仰頭相向鳴夜夜
達五更行人駐足聽寡婦起傍徨多謝後世人戒
之慎勿忘

玉臺新詠目錄卷之二

於清河見輓船士新婚與妻別一首

魏文帝

清河一首

又

樂府塘上行一首

甄皇后

雜詩二首并序

劉勳妻王宋

雜詩五首

曹植

樂府三首

又

棄婦一首

又

樂府二首

魏明帝

詠懷詩二首

阮籍

樂府詩七首

傅玄

和班氏詩一首

又

情詩五首

張華

雜詩二首

又

內顧詩二首

潘岳

悼亡詩二首

又

王昭君辭一首并序

石崇

嬌女詩一首

左思

玉臺新詠卷之二

於清河見輓船士新婚別妻 魏文帝

與君結新婚宿昔當別離涼風動秋草蟋蟀鳴相
隨列々寒蟬吟蟬吟抱枯枝枯枝時飛揚身體忽
遷移不悲身遷移但惜歲月馳歲月無窮極會合
安可知願為雙黃鵠比翼戲清池

清河一首

方舟戲長水湛淡自浮沉絃歌發中流悲響有餘
音音聲入君懷悽愴傷人心心傷安所念但願恩
情深願為晨風鳥雙飛翔北林

塘上行

甄皇后

蒲生我池中其葉何離々傍能行仁義莫若妾自
知衆口鑠黃金使君生別離念君去我時獨愁常
苦悲想見君顏色感結傷心脾念君常苦悲夜夜
不能寐莫以賢豪故棄捐素所愛莫以魚肉賤棄
捐葱與薤莫以麻泉賤棄捐營與蒯出亦復苦愁
入亦復苦愁邊地多悲風樹木何修修從君致獨
樂延年壽千秋

雜詩二首并序

王宋

王宋者平虜將軍劉勳妻也入門二十

年後勳悅山陽司馬氏女以宋無子
出之還於道中作詩

其一

翩翩牀前帳張以蔽光輝昔將爾同去今將爾同
歸緘藏篋筒裏當復何時披

其二

誰言去婦薄去婦情更重千里不唾井况乃昔所
奉遠望未為遙踟躕不得住

雜詩五首

曹植

其一

明月照高樓流光正徘徊上有愁思婦悲歎有餘
哀借問歎者誰言是客子妻君行踰十年孤妾當
獨栖君若清路塵妾若濁水泥浮沉各異勢會合
何時諧願為西南風長逝入君懷君懷時不開妾
心當何依

其二

西北有織婦綺縞何繽紛明晨秉機杼日莫不成
文太息終長夜悲嘯入青雲妾身守空房良人行
從軍自期三年歸今已歷九春孤鳥繞林翔嗷嗷
鳴索群願為南流景馳光見我君

其三

微陰翳陽景清風飄我衣遊魚潛淥水翔鳥薄天
飛眇眇客行去遙役不得歸始出嚴霜結今夜白
露晞遊子歎黍離處者歌式微慷慨對嘉賓悽愴
內傷悲

其四

攬衣出中閨逍遙步兩楹開房何寂寞綠草破埕
庭空室自生風百鳥翩南征春思安可忘憂感與
我并佳人在遠道妾身獨單煢懼會難再遇蘭芝
不重榮人皆弃舊愛君豈若平生寄松為女蘿依
水如浮萍束身奉衿帶朝夕可墮傾儻願終盼盼
永副我中情

其五

南國有佳人容華若李朝遊桃江北岸夕宿湘川
沚時俗薄朱顏誰為發皓齒俛仰歲將暮榮曜難
永恃

美女篇

美女妖且閒採桑岐路間長條紛冉冉落葉何翩
翩攘袖見素手皓腕約金環頭上金雀釵腰佩翠
琅玕明珠交玉体珊瑚間朱顏羅衣何飄飄輕裙

隨風飄顛盼爲光彩長嘯氣若蘭行徒用息駕休
者以忘飡借問女安居乃在城南端青樓臨大路
高門結重關容華輝朗日誰不希令顏媒氏何所
營玉帛不時安佳人慕高義求賢良獨難衆人何
嗷嗷安知彼所歡盛年處房室中夜起長歎

種葛篇

種葛南山下葛蔓自成陰與君初婚時結髮恩義
深歡愛在枕席宿昔同衣衾竊慕棠棣篇好樂如
瑟琴行年將晚暮佳人懷異心恩絕曠不接我情
逐抑沈出門當何顧徘徊步比林下有交頸獸仰
見雙栖禽攀枝長歎息淚下沾羅袵良馬知我愁
延頸對我吟昔爲同池魚今若商與參往古皆歡
遇我獨困於今棄置委天命悲愁安可任

浮萍篇

浮萍寄清水隨風東西流結髮辭嚴親來爲君子
速恪勤在朝夕無端獲罪尤在昔蒙恩惠和樂如
瑟琴何意今摧頽曠若商與參茱萸自有芳不若
桂與蘭新人雖可愛無若故人歡行雲有反期君
恩儻中還慊慊仰天嘆愁心將何翹日月不常處
人生忽若寓悲風來入懷淚落如垂露小篋造裳

衣裁縫統與素

棄婦詩

曹植

石榴植前庭綠葉搖縹青丹華灼烈烈惟彩有光
榮光好曄流離可以處淑靈有鳥飛來集樹翼以
悲鳴夫何爲丹華丹華實不成拊心長歎息無子
當歸寧有子月經天無子若流星天月相終始流
星沒無精栖遲失所宜下與瓦石并憂懷從中來
歎息通雞鳴返側不能寐逍遙於前庭踟躕還入
房肅肅帷幕聲寒幃更攝帶撫弦彈素箏慷慨有
餘音要妙悲且清收淚長歎息何以負神靈招搖
待霜露何必春夏成晚穫爲良實願君且安寧

樂府二首

魏明帝

其一

昭昭素明月暉光燭我牀憂人不能寐耿耿夜何
長微風衝閨闥羅帷自飄颺攬衣曳長帶縱履下
高堂東西安所之徘徊以傍徨春鳥何南飛翩翩
獨翱翔悲聲命儔匹哀鳴傷我腸感物懷所思泣
涕忽沾裳佇立吐高吟舒憤訴窮蒼

其二

種瓜東井上冉冉自踰垣與君新爲婚瓜葛相結

連寄託不肖軀有如倚太山菟絲無枝株蔓延自
登緣萍藻託清流常恐身不全被蒙丘山惠賤妾
執拳拳天日照知之想君亦俱然

詠懷詩二首

阮籍

其一

二妃游江濱道遐從風翔交甫解環佩婉孌有芬
芳猗靡情歡愛千載不相忘傾城迷下蔡容好結
中腸感激生憂思萱草樹蘭房膏沐為誰施其雨
怨朝陽如何金石交一旦便離傷

其二

昔日繁華子安陵與龍陽天天桃李花灼灼有輝
光悅懌若九春馨折似秋霜流眄發媚姿言笑吐
芬芳携手等歡愛宿昔同衾裳願為雙飛鳥比翼
共翱翔丹青著明誓永世不相忘

樂府七首

傅玄

青青河邊草篇

青青河邊草悠悠萬里道草生在春時遠道還有
期春至不草生期盡歎無聲感物懷思心夢想發
中情夢君如鴛鴦比翼雲間翔既覺寂無見曠如
參與商夢君結同心比翼遊北林既竟寂無見曠

如商與參河洛自用固不如中岳安回流不汲汲
浮雲往自還悲風動思心悠悠誰知者懸景無停
居忽如馳駟馬傾耳懷音響轉目淚雙墮生存無
會期要君黃泉下

豫章行

苦相身為女卑陋難再陳兒男當門戶墮地自生
神雄心志四海萬里望風塵女育無欣愛不為家
所珍長大逃深室藏頭羞見人垂淚適他鄉忽如
雨絕雲低頭和顏色素頰結朱唇跪拜無復數婢
妾如巖竇情合双雲漢葵藿傾陽春心乖甚永火
百惡集其身玉顏隨年變丈夫多好新昔為形與
影今為胡與秦胡秦時相見一絕踰參辰

艷歌行

有女懷芬芳提提步東廂蛾眉分翠羽明發目清
揚丹唇鬢皓齒秀色若珪璋巧笑露歡靨眾媚不
可詳容儀希世出無乃古毛嬙頭安全步搖耳繫
明月璫珠環約素腕翠爵垂鮮光文袍綴藻繡玉
體映羅裳容華既以艷志節擬秋霜徽音冠青雲
聲響流四方妙哉英媛德宜配侯與王靈應萬世
合日月時相望媒氏陳東帛羔鴈鳴前堂百兩盈

中路起若鷺鳳翔凡夫徒踴躍望絕殊參商

怨歌行

昭昭朝時日皎皎晨明月十五入君門一別終華髮同心忽異離曠如胡與越胡越有會時參辰遠且闊形影雖髣髴音聲寂無達纖絃感促柱觸之哀聲發情思如循環憂來不可遏塗山有餘恨詩人詠采葛蜻蛚吟牀下回風起幽閨春榮隨露落芙蓉生木末自傷命不遇良辰永乖別已爾可柰何譬如紈素裂孤雌翔故巢星流光景絕魂神馳萬里甘心要同穴

明月篇

皎々明月光灼灼朝日輝昔爲春璽絲今爲秋女衣丹唇列素齒翠彩發蛾眉嬌子多好言歡合易爲姿王顏盛有時秀色隨年衰常恐新間舊變故興細微浮萍無根本非水將何依憂喜更相接樂極還自悲

秋蘭篇

秋蘭蔭玉池池水清且芳芙蓉隨風發中有双鶯奮双魚自踴躍兩鳥時迴翔君期歷九秋與妾同衣裳

西長安行

所思兮何在乃在西長安何用存問妾香襪雙珠環何用重存問羽爵翠琅玕今我今聞君更有兮異心香亦不可燒環亦不可沈香燒日有歇環沈日自深

和班氏詩一首

傳玄

秋胡納令室三日宦他鄉皎皎潔婦姿冷冷守空房嫵婉不終久別如參與商憂來猶四海易感難可防人言生日短愁者苦夜長百草揚春華擗腕採柔桑素手尋繁枝落葉不盈筐羅衣翳玉體迴目流彩章君子倦仕歸車馬如龍驤精誠馳萬里既至兩相忘行人悅令色請息此路傍誘以逢郎喻遂下黃金裝烈烈貞女忿言辭厲秋霜長驅及君室奉金升北堂毋立呼婦來歡情樂未央秋胡見此婦惕然懷探湯負心豈不慙永誓非所望清濁自異源鳧鳳不並翔引身赴長流果哉潔婦腸彼夫既不淑此婦亦太剛

情詩五首

張華

其一

北方有佳人端坐鼓鳴琴終晨撫管絃日夕不成

音憂來結不解我思存所欽君子尋時役幽妾懷
苦心初為三載別於今久滯淫昔柳生戶牖庭內
自成陰翔鳥鳴翠偶草虫相和吟心悲易感激俛
仰淚流衿願託晨風翼束帶侍衣衾

其二

明月曜清景曦光照玄墀幽人守靜夜迴身入空
帷束帶俟將朝廓落晨星稀寐假交精翼覲我佳
人姿巧笑媚歡靨聯娟眸與眉寐言增長歎悽然
心獨悲

其三

清風動帷簾晨月燭幽房佳人處遐遠蘭室無容
光衿懷擁虛景輕衾覆空牀居歡惜夜促在感怨
宵長撫枕獨吟歎綿綿心內傷

其四

君居北海陽妾在江南陰懸邈脩途遠山川阻且
深承歡注隆愛結分投所欽術恩守篤義萬里託
徽心

其五

遊目四野外道遙獨延佇蘭蕙綠清渠繫華蔭綠
聖佳人不在茲取此欲誰與巢居竟風飄穴處識

陰雨未曾遠別離安知慕儔侶

雜詩二首

其一

張華

逍遙遊春空容與綠流阿白蘋開素葉朱草茂丹
華微風搖蕙若層波動芰荷榮彩曜中林流馨入
綺羅王孫遊不歸脩路邈以遐誰與翫遺芳佇立
獨咨嗟

其二

荏苒日月運寒暑忽流易同好遊不存若々遠離
析房櫳自來風戶庭無行迹兼葭生牀下蛛蝥網
四壁懷思豈不隆感物重鬱積遊鴈比翼翔歸鴻
知接翻來哉彼君子無愁徒自隔

內顧詩二首

潘岳

其一

靜居懷所歡登城望四澤春草鬱青青桑柘何奕
奕芳林振朱榮淶水激素石初征冰未泮忽焉矜
締綌漫漫三千里若々遠行客馳情戀朱顏寸陰
過盈尺夜愁極清晨朝悲終日夕山川信悠永願
言良弗獲引領訊歸雲沉思不可釋

其二

獨悲安所慕人生若朝露綿邈寄絕域眷戀想平
素爾情既來追我心亦還顧形體隔不達精爽交
中路不見山下松隆冬不易故不見陵澗柏歲寒
守一度無謂希見疎在遠分彌固

悼亡詩二首

潘岳

其一

苒苒冬春謝寒暑忽流易之子歸窮泉重壤永幽
隔私懷誰克從淹留亦何益僂俛恭朝命迴心返
初役望廬思其人入室想所歷幃屏無髣髴翰墨
有餘迹流芳未及歇遺挂猶在壁悵恍如或存回
遑忡驚惕如彼翰林鳥雙栖一朝隻如彼遊川魚
比目中路析春風綠隳來晨雷依簷滴寢息何時
忘沉憂日盈積庶幾有時哀莊岳猶可擊

其二

皎皎窓中月照我室南端清商應秋至瘴暑隨節
闌凜凜涼風升始覺夏衾單豈曰無重纊誰與同
歲寒歲寒無與同朗月何隴々展轉眄枕席長單
竟牀空牀空委清塵室虛來悲風獨無季氏靈仿
佛覩爾容撫衿長歎息不蒼涕沾胷沾胷安能已
悲懷從中起寢興自存形遺音猶在耳上慙東門

吳下愧蒙莊子賦詩欲言志零落難具紀命也可
柰何長戚自令鄙

王昭君辭一首并序

石崇

王明君者本為王昭君以觸文帝諱故
改匈奴盛請婚於漢元帝詔以後宮良
家子明君配焉昔公主嫁烏孫令琵琶
馬上作樂以慰其道路之思其送明君
亦必爾也其新造之曲多哀聲故叙之

於紙云爾

我本漢家子將適單于庭辭訣未及終前驅已抗
旌僕御涕流離駟馬為悲鳴哀鬱傷五內泣淚沾
珠璣行行日已遠乃造匈奴城延我於穹廬加我
闕氏名殊類非所安雖貴非所榮父子見陵辱對
之慙且驚熬身良未易默默以苟生荀生亦聊積
何思常憤盈願假飛鴻翼棄之以遐征飛鴻不我
顧佇立以屏營昔為匣中玉今為糞上英朝華不
足歡甘為草秋并傳語後世人遠嫁難為情

嬌女詩一首

左思

吾家有嬌女皎皎頗白皙小字為紈素口齒自清
歷鬢髮覆廣額双耳似連璧明朝弄梳臺黛眉類

掃跡濃朱行丹唇黃吻瀾漫赤嬌語若連瑣忿速
乃明憊握筆利彤管篆刻未期益執書愛縑素誦
習矜所獲其姊字惠芳兩目燦如畫輕粧喜樓邊
臨鏡忘紡績舉解擬京兆立的成復易玩弄眉頰
間劇兼機杼役從容好趙舞延袖像飛翾上下絃
柱際文史輒卷縠顧盼屏風畫如見已指搗丹青
日塵闇明義為隱蹟馳騫翔園林菓下皆生摘紅
葩撥紫葳蕤實驟抵擲食華風雨中倏忽數百適
務躡霜雪戲重綦常累積并心注肴饌端坐理盤
榻翰墨戢閒按相與數離逸動為鑪鉦屈屣履往
之適止為茶菽據吹吁對鼎鏗脂膩漫白袖煙薰
染珂錫衣被皆重施難與沈水碧任其孺子意羞
受長者責警聞當與杖淚掩俱向壁

玉臺新詠卷之二

玉臺新詠目錄卷之三

擬古七首

陸機

為顧彥先贈婦二首

陸雲

贈車騎一首

周夫人

樂府三首

為顧彥先贈婦往反四首

陸云

雜詩一首

楊方

合歡詩五首

七夕觀織女詩一首

鑿王

嘲友人一首

李充

夜聽禱衣一首

曹毗

擬古詩一首

陶潛

樂府詩二首

荀泉

雜詩二首

王微

雜詩三首

謝惠連

雜詩五首

劉鑠

玉臺新詠卷之三

擬古七首

擬西北有高樓

陸機

高樓一何峻迢々峻而安綺窓出塵冥飛階躡雲
端佳人撫琴瑟纖手清且閒芳草隨風結哀響馥
若蘭玉容誰能顧傾城在一彈佇立望日昃躑躅
再三歎不怨佇立久但願歌者歡思駕歸鴻羽比
翼双飛翰

擬東城高且長

西山何其峻層曲鬱崔嵬零露彌天墜蕙葉憑林
衰寒暑相因襲時逝忽如遺三閭結飛轡太耄悲
落暉曷爲牽世務中心悵有違京雒多妖麗王顏
侔瓊甃閑夜撫鳴琴惠音清且悲長歌赴促節哀
響逐高徽一唱萬夫歡再唱梁塵飛思爲河曲鳥
双遊豐水湄

擬蘭若生春陽

嘉樹生朝陽凝霜封其條執心守時信歲寒不敢
凋美人何其曠灼灼在雲霄隆想彌年時長嘯入
風飄引領望天末譬彼向陽翹

擬迢々牽牛星

灼灼天漢輝粲々光天步牽牛西北廻織女東南
顧華容一何綺揮手如振素怨彼河無梁悲此年
歲暮歧彼無良緣皖焉不得度引領望大川双涕
如沾露

擬庭中有奇樹

歡交蘭時往迢迢匿音徹虞淵引絕景四節逝若
飛芳草久已茂佳人竟不歸躑躅遵林渚惠風入
我懷感物戀所歡採此欲貽誰

擬青青河畔草

靡靡江籬草熠々生河側皎皎彼姝女阿那當軒
織柔々妖容姿灼灼華美色良人遊不歸偏栖獨
隻翼空房來悲風中夜起歎息

擬涉江採芙蓉

上山採瓊華穹谷饒芳蘭采々不盈掬悠悠懷所
歡故鄉一何曠山川阻且難沉思鍾萬里躑躅獨
吟歎

爲顧彥先贈婦二首

陸雲

其一

辭家遠行遊悠悠三千里京洛多風塵素衣化爲
緇修身悼憂苦感念同懷子隆思亂心曲沈權滯

不起歡沈難克與心亂誰為理願假歸鴻翼翻飛
浙江記

其二

東南有思歸長歎充幽閨借問歎何為佳人眇天
末遊宦久不歸山川脩且闊形影參商乖音息曠
不達離合非有常譬彼絃與管願保金石志慰妾
長飢渴

贈車騎一首

周夫人

碎碎細織練當為君作襦君行豈有顧憶君是妾
夫昔者得君書聞君在高平今時得君書聞君在
京城京城華麗鄉瓊梁多異端男兒多遠志豈知
妾念君昔者與君別歲律薄將暮日月一何速素
秋墜湛露湛露何冉冉思君隨歲晚對食不能殮
臨觴不能飲

樂府三首

艷歌行

扶桑升朝輝照此高樓端高堂多艷麗洞房出清
顏淑貌耀皎日惠心清且閒美目揚玉澤蛾眉象
翠翰鮮膚一何潤秀色若可食窈窕多容儀婉美
巧笑言暮春春服成柔々綺與紈金雀垂藻翹瓊

珮結瑤璫方駕揚清塵濯足洛水瀾藹藹風雲會
佳人一何繁南崖充羅幕北渚盈軒軒清川含藻
景高岸被華丹馥馥芳袖揮冷泠纖指彈悲歌吐
清音雅舞播幽蘭丹唇含九秋妍迹凌七盤赴曲
迅驚鴻蹈節如集鷺綺態隨顏變沈姿無定源俯
仰紛阿那顧步咸可歡遺芳結飛颺浮景映清湍
冶容不足詠春遊良可歎

前緩聲歌

遊仙聚靈族高會曾城阿長風萬里舉慶雲鬱嗟
峨宓妃興洛浦王韓起秦華北徵瑤臺女南要相
川娥肅肅宵駕動翩翩翠蓋羅羽旗栖瓊鸞玉衡
吐鳴和太容揮高絃洪崖發清歌獻酬既已周輕
軒垂紫霞摠轡扶桑枝濯足湯谷波清輝溢天門
垂慶惠皇家

塘上行

江籬生幽渚微芳不足宣被蒙風雨會移君華池
邊發藻玉臺下垂影滄浪淵沾潤既已渥結根與
且堅四節遊不處華繁難久鮮淑氣與時殞餘芳
隨風捐天道有遷易人理無常全男歡智傾愚女
愛衰避妍不惜微軀退但歎蒼蠅前願君廣末光

照妾薄暮年

為顧彥先贈婦往反四首

陸雲

其一

我在三川陽子居五湖陰山海一何曠譬彼飛與
沉目想清惠妾耳存淑媚音獨寐多遠念寢言撫
空衿彼美同懷子非爾誰為心

其二

悠悠君行邁榮榮妾獨止山河安可踰永隔路萬
里京室多妖冶粲粲都人子雅步嫋纖腰巧笑發
皓齒佳麗良可羨衰賤焉足紀遠蒙眷顧言銜恩
非望始

其三

翩翩飛蓬征郁郁寒木榮遊止固殊性浮沈豈一
情隆愛結在昔信誓貫三靈秉心金石固豈從時
俗傾笑目逝不顧纖腰徒盈盈何用結中欸仰指
北辰星

其四

浮海難為水遊林難為觀容色貴及時朝華忘日
晏皎皎彼姝子灼灼懷春粲西城善雅舞總章饒
清彈鳴簧發丹唇朱絃繞素腕輕裙猶電揮雙袂

如霞散華容溢藻幄哀響入雲漢知音世所希非
君誰能讚棄置北辰星聞此玄龍煥時暮勿復言
華落理必賤

雜詩一首

楊方

秋夜涼風起清氣蕩暄濁蜻蛉吟塔下飛蛾拂明
燭君子從遠役佳人守榮獨離居幾何時鑽燧忽
改木房櫬無行跡庭草萋已綠青苔依空牆蜘蛛
網四屋感好多所懷沈憂結心曲

合歡詩五首

其一

虎嘯谷風起龍躍景雲浮同聲好相應同氣自相
求我情與子親譬如影追軀食共並根穗飲共連
理杯衣用双絲絹寢共無縫綯居願接膝坐行願
攜手趨子靖我不動子遊我無留齊彼同心鳥譬
此比目魚情至斷金石膠漆未為牢但願長無別
合形作一軀生為併身物死為同槨灰秦氏自言
至我情不可儔

其二

磁石招長針陽燧下炎煙宦商聲相和心同自相
親我情與子合亦如影追身寢共織成被絮用同

功綿暑搖比翼扇寒坐併肩
種子笑我必哂子感我無歡來與子共迹去與子同塵齊彼蛩蛩獸舉動不相捐唯願長無別合形作一身生有同室好死成併棺民徐氏自言至我情不可陳

其三

獨坐空室中愁有數千端
悲響吞愁歎哀涕應苦言彷徨四顧望白日入西山
不覩佳人來但見飛鳥還
飛鳥亦何樂夕宿自作群

其四

飛黃銜長轡翼翼回輕輪
俯涉淶水澗仰過九層山
脩途曲且險秋草生兩邊
黃華如沓金白華如散銀
青敷羅翠采絳葩象赤雲
爰有承露枝紫榮合素芬
扶疎垂清藻布翹芳且鮮
目為艷彩迴心為奇色
旋撫心悼旅客俯仰還自憐
踟躕向壁歎攬筆作此文

其五

南林有奇樹承春挺素華
豐翹被長條綠葉蔽朱柯
因風吐微音芳氣入紫霞
我心羨此木願徒着余家
夕得遊其下朝得弄其葩
爾根深且堅余宅淺且洿
移植無良期歎息將如何

七夕觀織女詩一首

王鑿

牽牛悲殊館織女怨離家
一稔期一宵此期良可嘉
赫奕玄門開飛閣鬱嵯峨
隱隱驅千乘聞越星河
六龍奮瑤轡文螭負瓊車
火丹乘瑰燭素女執瓊華
絳旗若吐電朱蓋如振霞
雲韶何嘈噉靈鼓鳴相和
亭軒佇高眇眷子在岷峨
澤因芳露沾恩附蘭風加明發
相從遊翩翩鸞鷺羅同遊不同觀
念子憂怨多敬因三祝末以爾屬皇娥

朝友人一首

李充

同好齊歡愛纏絲一何深
子既識我情我亦知子心
嫵婉歷年歲和樂如瑟琴
良辰不我俱中澗似商參
爾隔北山陽我分南川陰
嘉會罔克從積思安可任
目想妍麗姿耳存清媚音
脩晝興永念遙夜獨悲吟
逝將尋行役言別涕沾襟
願爾降王趾一顧重千金

夜聽擣衣一首

曹毗

寒興御統素佳人理衣
衾冬夜清且永皓月照堂陰
纖手疊輕素朗杵叩鳴砧
清風流繁節迴颺灑微吟
嗟此往運速悼彼幽滯心
二物感余懷豈但聲與音

擬古詩一首

陶潛

日暮天無雲春風扇微和佳人美清夜達曙酣且
歌歌竟長歎息持此感人多明明雲間月灼灼葉
中花豈無一時好不久當如何

樂府詩二首

荀景

擬相逢狹路間

朝發邯鄲邑暮宿井陘間井陘一何狹車馬不得
旋避近相逢值崎嶇交一言一言不容多伏軾問
君家君家誠難知難知復易博南面平原居北趣
相如閣飛樓臨夕都通門枕華郭入門無所見但
見雙栖鶴栖鶴數十双鴛鴦群相追大兄弭金璫
中兄振纓綉伏臘一來歸鄰里生光輝小弟無所
作聞雞東陌遠夫婦織紈綺中婦縫羅衣小婦無
所作挾瑟弄音徽丈人且却坐梁塵將欲飛

擬青青河邊草

熒熒山上火迢迢隔隴左隴左不可至精爽通寤
寐寤寐衾幃同忽覺在他邦他邦各異邑相遂不
相及迷墟在望烟木落知冰堅升朝冬自進誰肯
相攀牽客從北方來遺我端弋緜命僕開弋緜中
有隱起珪長跪讀隱珪辭苦聲亦悽上言各努力

下言長相懷

雜詩二首

其一

王微

桑妾獨何懷傾筐未盈把自言悲苦多排却不肯
捨妾悲四陳訴填憂不銷冶寒鴈歸所從半塗失
憑假壯情怵驅馳猛氣捍朝社常懷雪漢慙常欲
復周雅重名好銘勒輕軀願圖寫萬里度沙漠懸
師蹈朔野傳聞兵失利不見來歸者奚處埋旌摩
何處喪車馬拊心悼恭人零淚覆面下徒謂久別
離不見長孤寡寂寂揜高門寥寥空廣廈待君竟
不歸收顏今就價

其二

思婦臨高臺長想憑華軒弄絃不成曲哀歌若送
言箕箒留江介良人處鴈門詎憶無夜苦但和狐
白溫日暗牛羊下野雀滿空園孟冬寒風起東壁
正中昏朱火獨照人抱景自愁怨誰知心曲亂所
思不可論

雜詩三首

謝惠連

七月七日詠牛女

落日隱簷楹升月照房櫳團團滿葉露浙浙振條

風蹠足循廣塗瞬目瞻曾穹雲漢有靈匹彌年闕
相從遐川阻暱愛脩渚曠清容弄杼不成采登轡
驚前蹤昔離秋已兩今聚夕無雙傾河易迴幹欸
顏難久惊沃若靈駕旋寂寥雲幄空留情顧華寢
遙心遂奔龍沈吟為爾感情深意彌重

擣衣

衡紀無淹度敷運倏如催白露滋園菊秋風落庭
槐蕭蕭莎雞羽烈烈寒蟬啼夕陰結空幙宵月皓
中閨美人成常服端飭相招携簪玉出北方鳴金
步南階欄高砧響發極長杵聲哀微芳起兩袖輕
汗染双題統素既已成君子行未歸裁用笥中刀
縫為萬里衣盈篋自予手幽緘俟君開腰帶准疇
昔不知今是非

代古

客從遠方來贈我鵠文綾貯以相思笈緘以同心
繩裁為親身服着以俱寢興別來經年歲歡心不
可凌寫酒置井中誰能辯斗升合如杯中水誰能
判淄澠

代行行重行行

劉錄

眇眇凌長道遙遙行遠之迴車背京邑揮手從此

辭堂上流塵生庭中綠草滋寒蟬翔水曲秋兔依
山基芳年有華月佳人無還期日夕涼風起對酒
長相思悲發江南調憂委子衿詩臥看明燈晦坐
見輕紈縑淚容不可飭幽鏡難復持願垂薄暮景
照妾桑榆時

代明月何皎皎

落宿半遙城浮雲藹曾闕王宇來清風羅帳延秋
月結思想伊人沉憂懷明發誰謂行客遊屢見芳
流歇河廣川無梁山高路難越

代孟冬寒氣至

白露秋風始秋風明月初明月照高樓白露皎玄
除迨及涼風起行見寒林疎客從遠方至贈我千
里書先叙懷舊愛末陳夕離居一章意不盡三復
情有餘願遂平生志無使甘言虛

代青青河邊草

淒淒含露臺肅肅迎風館思女御櫺軒哀心徹雲
漢端撫悲絃泣獨對明燈嘆良人久徭役秋分終
昏旦楚楚秋水歌依依授菱彈

詠牛女

秋動清氛扇火移炎氣歇廣欄含夜陰高軒通夕

月安步巡芳林傾望極雲闕組慕縈漢陳龍駕凌
霄發誰云長河遙頗覺促筵悅沉情未申寫飛光
已飄忽來對眇難期今歡自茲沒

玉臺新詠目錄卷之四

七夕月下一首

為織女贈牽牛

秋胡詩九首

雜詩九首

學阮步兵體一首

擬樂府四首

雜詩六首

雜詩五首

雜詩五首

雜詩十二首

子山王孺中妾歌

雜詩一首

王僧達

彥延之

又

鮑昭

王素

吳邁遠

鮑令暉

丘巨源

王元長

謝朓

陸厥

施榮泰

玉臺新詠卷之三

七夕月下

王僧達

遠山歛霧侵廣庭揚月波氣往風集隙秋還露法
柯節期既已屏中宵振綺羅來歡詎終夕收淚泣
分河

為織女贈牽牛

顏延之

婺女儷經星姮娥棲飛月慙無二媛靈託身侍天
闕閭闔殊未輝咸池豈沐髮漢陰不夕張長河為
誰越雖有促謙期方須涼風發虛計双曜周空遲
三星沒非怨杼軸勞但念芳菲歇

秋胡

倚梧傾高鳳寒谷待鳴律影響豈不懷自達每相
匹婉彼幽閑女作嬪君子室峻節貫秋霜明艷倅
朝日嘉運既我從欣願自此畢

燕居未及歡良人顧有違脫巾千里外結綬登王
畿戒徒在昧旦左右來相依驅車出郊郭行路正
倭遲存為久離別沒為長不歸

嗟余怨行役三陟窮晨暮駭駕越風寒解鞍犯霜
露原隰多悲涼迴颺卷高樹離獸起荒蹊驚鳥縱
橫去悲哉遊宦子榮此山川路

迢遙行人遠婉轉年運徂良時為此別日月方向

除敦知寒暑積俛俛見榮枯歲暮臨空房涼風起
坐隅寢興日已寒白露生庭蕪

勤役從歸願反路遵山河昔辭秋未素今也歲載
華蚤月歡時暇桑野多經過佳人從所務窈窕接

高柯傾城誰不顧弭節停中阿

年往誠思勞事遠闊音形雖為五載別相與味平
生捨車遵往路鳧藻馳自成南金豈不重聊自意
所輕義心多苦調密比金玉聲

高節難久淹竭來空復辭遲々前途盡依依造門
基上堂拜嘉慶入室問何之日暮行採歸物色桑

榆時美人望昏至慙嘆前相持

有懷誰能已聊用申苦難離居殊年歲一別阻河
關春來無時豫秋至應早寒明發動愁心閨中起

長歎慘悽歲方晏落日遊子顏

高張生絕絃聲急由調起自昔枉光塵結言固終
如始何久為別百行愆諸已君子失時義誰與偕

沒齒愧彼行路詩甘之長川汜

說月城西門解中

鮑昭

始見西南樓纖纖如玉鈞未映東北墀娟娟似蛾
眉蛾眉蔽珠櫳玉鈞隔綺窓三五二八時千里與

君同夜移衡漢落徘徊帷幌中歸華先委露別葉
早辭風客遊厭辛苦仕子倦飄塵沐翰自公日宴
慰及私辰蜀琴抽白雪郢曲繞陽春肴乾酒未缺
金壺啓夕輪迴軒駐輕蓋留酌待情人

代京雜篇

鳳樓十二重四戶八綺窓繡栢金蓮花桂柱玉盤
龍珠簾無隔露羅幌不勝風寶帳三千所爲爾一
朝容揚芬紫烟上垂絲綠雲中春吹迴白日霜歌
落塞鴻但懼秋塵起盛愛逐衰蓬坐視青苔滿臥
對錦筵空琴瑟縱橫散舞衣不復縫古來皆歇薄
君意豈獨濃唯見雙黃鶴千里一相從

擬樂府白頭吟

直如朱絲繩清如玉壺冰何慙宿昔意猜恨坐相
仍人情賤恩舊世義逐衰興毫髮一爲瑕丘山不
可勝食苗實碩鼠黠白信蒼蠅鳧鵠遠成美薪芻
前見凌申黜褒女進班去信姬昇周王日淪惑漢
帝益嗟稱心賞猶難恃貌恭豈易憑古來共如此
非君獨撫膺

採桑詩

季春梅始落女工事蚤作採桑淇洧間還戲上宮

閣早蒲時結陰晚篁初解籜藹藹霧滿閨融々景
盈薰乳燕逐草虫巢蜂拾花萼是節最暄妍佳服
又新爍欽歎對迥塗陽歌弄場壘抽琴試佇思薦
珮果誠託承君郢中美服義久心諾衛風古愉艷
鄭俗舊浮薄虛願悲渡相空賦笑灑洛盛明難重
未淵意爲誰涸君其且調絃桂酒妾行酌

夢還詩

銜淚出郭門撫劍無人達沙風閣塞起離心眷鄉
畿夜分就孤枕夢想暫言歸嬌婦當戶歎縑絲復
鳴機慊欵論久別相將還綺幃靡靡簷下涼隴隴
怒裏暉刈蘭爭芬芳採菊競蕤蕤開奩集香蘇採
袖解纓徹寐中長路近覺後大江遠驚起空歎息
恍惚神魂飛白水漫浩浩高山壯巍巍波潮異往
復風雲改榮衰此土非吾土慷慨當誰訴

擬古

河畔草未黃胡鷹已矯翼秋虫挾戶吟寒婦晨夜
織去歲征人還流傳舊相識聞君上壠時東望久
歎息宿昔改衣帶旦暮異容色念此憂如何夜長
愁更多明鏡塵匣中寶琴生網羅

詠双燕

双燕戲雲崖羽翮始差池出入南閨裏經過比堂
垂意欲巢君幕層楹不可窺沉吟芳歲晚徘徊韶
景移悲歌辭舊愛樹泥覓新知

贈故人馬子喬

寒灰滅更然夕華晨更鮮春冰雖暫解冬冰還復
堅佳人捨我去賞愛長絕緣歡至不留時每念輒
傷年

双劍將別離先在匣中鳴煙雨交將夕從此遂分
形雌沉吳江水雄飛入楚城吳江深無底楚關有
崇局一為天地別豈直限幽明神物終不隔千祀
儻還弁

學阮步兵體

王素

沉情發遐慮紆鬱懷所思髮髯聞簫管鳴風接羸
姬聯綿共雲翼嫵婉相携持寄言芳華士寵利不
常期涇渭分清濁視彼國風詩

飛來双白鶴

吳邁遠

可憐双白鶴雙々絕塵氛連翮弄光景交頸遊青
雲逢羅復逢繳雌雄一旦分哀聲流海曲孤叫出
江清豈不慕前侶為爾不及群步步一零淚千里
猶待君樂哉新相知悲矣生別離持此百年命共

逐寸陰移譬如空山草零落心自知

陽春曲

百里望咸陽知是帝京邑綠樹搖雲光春城起風
色佳人愛景華流靡園塘側妍姿艷月映羅衣飄
蟬翼宋王歌陽春巴人長歎息雅鄭不同賞那令
君愴惻生平重愛惠私自憐何極

長別離

生離不可聞况復長相思如何與君別當我盛年
時蕙花每搖蕩妾心空自持榮之草木歡悴極霜
露悲富貴身難老貧賤顏易衰持此斷君腸君亦
宜自疑淮陰有逸將拆羽謝翻飛楚亦扛鼎士出
門不得歸正為隆準公杖劍入紫微君才定何如
白日下爭暉

長相思

晨有行路客依依造門端人馬風塵色知從河塞
還時我有同栖結官遊邨郎將不異客子分飢復
共寒煩君尺帛書寸心從此殫道妾長憔悴豈復
歌笑顏簷隱千霜樹庭枯十載蘭經春不舉袖秋
落寧復看一見願道意君門已九關虞卿棄相印
檐空為同歡閨陰欲早霜何事空盤桓

擬青青河畔草

鮑令暉

曩々臨窓竹藹藹垂門桐灼灼青軒女泠泠高堂
中明志逸秋霜玉顏掩春紅人生誰不別恨君早
從戎鳴絃慙夜月緝黛羞春風

擬客從遠方來

客從遠方來贈我漆鳴琴木有相思文絃有別離
音終身執此調歲寒不改心願作陽春曲宮商長
相尋

題書後寄行人

自君之出矣臨軒不解顏砧杵夜不發高門晝常
關帳中流熠燿庭前華紫蘭楊枯識節異鴻來知
客寒遊月暮冬盡除春待君還

古意贈今人

寒鄉無異服氊褐代文練月月望君歸年年不解
縱荆揚春早和幽冀猶霜霰北寒妾已知南心君
不見誰爲道辛苦寄情双飛燕形迫杼煎絲顏落
風催電容華一朝改唯餘心不變

代葛沙門妻郭小玉詩二首

其一

明月何皎皎垂幌照羅茵若共相思夜知同憂怨

晨芳華豈矜貌霜露不憐人君非青雲逝飄迹事
咸秦妾持一生淚經秋復度春

其二

君子將徭役遺我雙題錦臨當欲去時復留相思
枕題用常著心枕以憶同寢行行日已遠轉覺思
彌甚

詠七寶扇

丘巨源

妙綺貴東夏巧媛出吳闈裁狀白玉璧縫似明月
輪表裏鏤七寶中銜駭雞珍畫作景山樹圖爲河
洛神來延揮握玩入與鑲釧親生風長袖際晞華
紅粉津拂眄迎嬌意隱映含歌人時移務忘故節
改競存新卷情隨象篋舒心謝錦茵厭歇何足道
敬哉先後晨

聽隣妓

披衽之遊術憑軾寡文才蓬門長自寂虛席視生
埃貴里臨倡館東隣歌吹臺雲間嬌響徹風末艷
聲來飛華瑤翠幄揚芬金碧杯久絕中州美從念
戶鄉灰遺情悲近世中山安在哉

古意

元長王氏

遊禽暮知返行人獨不歸坐銷芳草氣空度明月

輝頓容入朝鏡思淚點春衣巫山綵雲沒淇上綠
楊稀待君竟不至秋鴈双双飛

霜氣下孟津秋風度函谷念君妻已寒當軒卷羅
縠纖手廢裁縫曲鬢罷膏沐千里不相聞寸心鬱
氛氲况復飛螢夜水葉亂紛紛

詠琵琶

抱月如可明懷風殊復清絲中傳意緒花裏寄春
情掩抑有奇態悽鏘多好聲芳袖幸時拂龍門空
自生

詠幔

幸得與珠綴羃歷君之楹月映不辭卷風來輒自
輕每聚金鑪氣時駐玉琴聲但願置尊酒蘭缸當
夜明

巫山高

響像巫山高薄暮陽臺曲烟霞乍舒卷蘅芳自斷
續彼美如可期寤言紛在屬撫然坐相思秋風下
庭綠

贈王主簿二首

謝朓

日落窓中坐紅粧好顏色舞衣蒙未縫流黃覆不
織蜻蛉草際飛遊蜂花上食一遇長思相願寄連

翮翼

清吹要碧玉調絃命綠珠輕歌急綺帶含笑解羅
襦餘曲詎幾許高駕且踟躕徘徊憐暮景唯有洛
城隅

同王主簿怨情

掖庭娉絕國長門失歡讌相逢詠薜蘿辭寵悲團
扇花叢亂數蝶風簾入双燕徒使春帶賒坐惜紅
顏變平生一顧重夙昔千金賤故人心尚爾故心
人不見

夜聽妓

瓊閨釧響聞瑤席芳塵滿要取洛陽人共命江南
管情多舞態遲意傾歌弄緩知君密見親寸心傳
王鏡

上客光四座佳麗直千金掛釵報纓絕墮珥苔琴
心蛾眉已共笑清香復入衿歡樂夜方靜翠帳垂
沉沉

詠邯鄲故才人嫁為廝養卒婦

生平宮閣裏出入侍丹墀開笥方羅縠窺鏡比蛾
眉初別意未解去久日生悲顛顛不自識嬌羞餘
故姿夢中忽髮髯猶言承讎私

秋夜

秋夜促織鳴南隣
擣衣急思君
隔九重
夜夜空佇立
北窓輕幔垂
西戶月光入
何知白露下
坐視前堦濕
誰能長分居
秋盡冬復及

雜詩五首

燈

發翠斜漢裏
蓄寶宕山峯
抽莖類仙掌
樹光似燭龍
飛蛾再三繞
輕花四五重
孤對相思夕
空照舞衣縫

燭

杏梁寶未散
桂宮明欲沈
暖色輕帷裏
低光照寶琴
徘徊雲鬢影
灼爍綺疎金
恨君秋月夜
遺我洞房陰

席

本生朝夕池
落景照參差
汀洲蔽杜若
幽渚奪江籬
遇君時採擷
玉座奉金危
但願羅衣拂
無使素塵彌

鏡臺

玲瓏類丹檻
蒼亭似玄闕
對鳳縣清冰
垂龍掛明月
照粉拂紅粧
插花理雲髮
玉顏徒自見
常畏君

情歇

落梅

新葉初冉々
初華新霏霏
逢君後園讌
相隨巧笑歸
親勞君王指
擷以贈南威
用持挿雲鬢
翡翠比光暉
日暮長零落
君思不可追

中山王孺子妾歌

陸厥

如姬寢臥內
班妾坐同車
洪波陪飲帳
林光宴春餘
歲暮寒飈及
秋水落芙蓉
子瑕矯後駕
安陵泣前魚
賤妾終已矣
君子定焉如

雜詩

施榮泰

趙女脩麗姿
燕姬正容飾
粧成桃毀紅
黛起草慙色
羅裙數十重
猶輕一蟬翼
不言殺袖軟
專歎風多力
鐙珮玉池邊
弄笑銀臺側
折柳貽目成
採蒲贈心識
來時嬌未盡
還去媚何極

玉臺新詠卷之四

玉臺新詠目錄卷之五

江淹

四首

丘遲

二首

沈約

二十四首

柳惲

九首

江洪

四首

高爽

一首

鮑子卿

二首

何子朗

三首

范倩婦

四首

何遜一

一十首

王樞

三首

庾丹

二首

玉臺新詠卷之五

古體

江淹

遠與君別者乃至鴈門關黃雲蔽千里遊子何時
還送君如昨日簷前露已團不惜蕙草晚所悲道
里寒君行在天涯妾心久別離願一見顏色不異
瓊樹枝兔絲及水萍所寄終不移

班婕妤好扇

紈扇如團月出自機中素畫作秦王女乘鸞向煙
霧彩色世所重雖新不代故竊悲涼風至吹我玉
堦樹君子恩未畢零落在中路

張司空離情華

秋月映簾櫳懸光入丹墀佳人撫鳴琴清夜守空
帷蘭徑少行迹玉臺生網絲庭樹發紅彩閨草含
碧滋羅綺為君整萬里贈所思願垂湛露惠信我
皎日期

休上人怨別

惠休

西北秋風至楚客心悠哉日暮碧雲合佳人殊未
來露彩方泛艷月華始徘徊寶書為君掩瑤琴詎
能開相思巫山者悵望陽雲臺金爐絕沈燎綺席
漏浮埃桂水日千里因之平生懷

敬酬柳僕射征怨

丘遲

清歌自言妍雅舞空仙
耳中解明月頭上落金
鈿雀飛且近遠暮入綺
羅前魚戲雖南北終還
荷葉邊惟見君行久新
年非故年

答徐侍中為人贈婦

丈夫吐然諾受命本遺
家糟糠且棄置蓬首亂
如麻側聞洛陽客金蓋
翼高車謁帝時來下光
景不可奢幽房一洞啓
二八盡芳華羅裾有長
短翠鬢無低斜長眉橫
玉臉皓腕卷輕紗俱看
依井蝶共取落簷花何
言征戍苦抱脉空咨嗟

登高望春

沈約

登高眺京洛街巷紛漠
漠迴首望長安城闕鬱
盤桓日出照鈿黛風過
動羅紈齊童躡朱履趙
女揚翠翰春風搖雜樹
葳蕤綠且丹寶瑟玫瑰
柱金羈玳瑁鞍淹留宿
下蔡置酒過上蘭解眉
還復斂方知巧笑難佳
期空靡靡含睇未成歡
嘉客不可見因君寄長
歎

昭君辭

朝發披香殿夕濟汾陰
河於茲懷九逝自此斂
雙蛾沾粧疑湛露繞臆
狀流波日見奔沙起稍
覺轉

蓬多胡風犯肌膚非直
傷綺羅銜涕強南望關
山鬱嵯峨試作陽春曲
終成苦寒歌唯有三五
夜明月暫經過

少年新婚為之詠

山陰柳家女薄言出田
墅丰容好姿顏便僻巧
言語腰肢既軟弱衣服
亦華楚紅輪映早寒盡
扇迎初暑錦履並花紋
繡帶同心苧羅襦金薄
厠雲鬢花釵舉我情已
鬱紆何用表崎嶇託意
眉間黛申心口上朱莫
爭三春價坐喪千金軀
盈尺青銅鏡九寸合浦
珠無因達往意欲寄雙
飛鳧裾開見玉趾衫薄
映凝膚羞言趙飛燕笑
殺秦羅敷自顧雖悴薄
冠蓋曜城隅高門列騶
駕廣路從驪駒何慚鹿
盧劔詎減府中趨還家
問鄉里詎堪持作夫

携手曲

捨轡下彫輅更衣奉玉
牀斜簪映秋水開鏡比
春粧所畏紅顏促君恩
不可長雞冠且容裔豈
忝桂枝亡

有所思

西征登隴首東望不見
家關樹抽紫葉塞草發
青芽昆明池欲滿蒲萄
應作花流淚對漢使因
書寄

斜狹

夜夜曲

河漢縱且橫北斗橫復直星漢空如此寧知心有
憶孤燈暖不明寒機曉猶織零淚向誰道雞鳴徒
歎息

詠春

楊柳亂如絲綺羅不自持春草青復綠客心傷此
時翠苔已結浦碧水復盈淇日華照趙瑟風色動
燕姬衿前萬行淚故是一相思

詠桃

風來吹葉動風去畏花傷紅映已照灼况復含日
光歌童暗理曲游女夜縫裳詎減當春淚能斷思
人腸

詠月

月華臨靜夜夜靜滅氛埃方暉竟戶入圓影隙中
來高樓切思婦西園游上才網軒映珠綴應門照
綠苔洞房殊未曉清光信悠哉

詠麈

江南簫管地妙響發孫枝慙歎寄玉指含情舉復
垂彫梁再三繞輕塵四五移曲中有深意丹誠君

詠知

六憶詩四首

三言五言

憶來時灼灼上堦墀勤勤叙別離慊慊道相思相
看常不足相見乃忘飢

憶坐時黯黯羅帳前或歌四五曲或弄兩三絃笑
時應無比與時更可憐

憶食時臨盤動容色欲坐復羞坐欲食復羞食含
哺不如飢擊甌似無力

憶眠時人眠彊未眠解羅不待勸就枕更須牽復
恐傍人見嬌羞在燭前

領邊繡

纖手製新奇刺作可憐儀縈絲飛鳳子結縷坐花
兒不聲如動吹無風自裊枝麗色儻未歇聊承雲
鬢垂

脚下履

丹墀上颯沓王殿下趨鏘逆轉珠珮響先表繡桂
香裾開臨舞席袖拂繞歌堂所歎亡懷妾見委入
羅牀

擬青青河邊草

漠漠牀上塵中心憶故人故人不肯憶中夜長歎

息歎息想容儀不欲長別離別離稍已久空牀寄
杯酒

擬三婦

大婦掃玉墀中婦結羅幃小婦獨無事對鏡畫娥
眉良人且安臥夜長方自私

古意

挾瑟叢臺下徙倚愛容光佇立日已暮戚戚苦人
腸露葵已堪摘湛水未沾裳錦衾無獨暖羅衣空
自香明月雖外照寧知心內傷

夢見美人

夜聞長歎息知君心有憶果自聞闔開魂交觀容
色既薦巫山枕又奉齊眉食立望復橫陳忽覺非
在側那知神傷者潸潸淚沾臆

效古

可憐桂樹枝單雄憶故雌歲暮異栖宿春至猶別
離山河隔長路路遠絕容儀豈云無我匹寸心終
不移

初春

挾道覓陽春佳人共携手草色猶自非林中都未
有無事逐梅花空中信楊柳且復共歸來含情寄

杯酒

悼往

去秋三五月今秋還照房今春蘭蕙草來春復吐
芳悲哉人道異一謝永銷亡屏筵空有設帷席更
施張遊塵掩虛座孤帳覆空牀萬事無不盡徒令
存者傷

擣衣詩

孤衾紛思緒獨枕愴憂端深庭秋草綠高門白露
寒思君起清夜促柱奏幽蘭不怨飛蓬苦徒傷蕙
草殘

行役滯風波游人淹不歸亭臯木葉下蠓首秋雲
飛寒園夕鳥集思牖草虫悲嗟矣當春服安見禦
冬衣

鶴鳴勞永歎採菘傷時暮念君方遠徭望妾理統
素秋風吹綠潭明月懸高樹佳人飭淨容招携從
所務

步欄杳不極離堂肅已局軒高夕杵散氣爽夜碁
鳴瑤草隨步響幽蘭逐袂生踟躕理金翠容與納
宵清

泛艷迴煙綵淵旋龜鶴文淒淒合歡袖冉冉蘭麝

芬不怨杼軸苦所悲千里分垂泣送行李傾首遲
歸雲

鼓吹曲二首

獨不見

別島望風臺天淵臨水殿芳草生未積春花落如
霰出從張公子還過趙飛燕奉帚長信宮誰知獨
不見

度關山

少長倡家女出入燕南垂唯持德自美本以容見
知舊聞關山遠何事摠金羈妾心日已亂秋風鳴
細枝

雜詩

雲輕暮色轉草綠晨芳歸山墟罷寒晦園澤潤朝
暉春心多感動覩物情復悲自君之去矣蘭堂罷
鳴機徒知游宦是不念別離非

長門怨

玉戶夜悄悄應門重且深秋風動桂樹流月搖輕
陰綺簷清露滴網戶思虫吟歎息下蘭閣含愁奏
雅琴何由鳴曉佩復得抱宵衾無復金屋念豈照
長門心

江南曲

汀洲採白蘋日暖江南春洞庭有歸客瀟湘逢故
人故人何不返春華復將晚不道新知樂祇言行
路遠

起夜來

城南斷車騎閣道覆清埃露華光翠網月影入蘭
臺洞房且莫掩應門或復開颯颯秋桂響非君起
夜來

七夕穿針

代馬秋不歸縑紈無復緒迎寒理夜縫映月抽纖
縷的皜愁睇光連娟思眉聚清露下羅衣三風吹
玉柱流陰稍已多餘光欲難取

詠席

照日汀洲際搖風綠潭側雖無獨壘輕辛有青袍
色羅袖少輕塵象牀多麗節願君蘭夜飲佳人時
宴息

詠歌姬

江洪

寶鑷間珠花分明靚粧點薄鬢約微黃輕紅澹鉛
臉發言芳已馳復加蘭蕙染浮聲易傷歎沈唱安
而險孤轉忽徘徊雙蛾乍舒斂不持全示人半用

輕紗掩

舞女

腰纖蔑楚媛體輕非趙姬
映襟間寶粟緣肘挂珠
絲發袖已成態動足復含
姿斜睛若不眇當轉復
遲疑何慙雲鶴起詎減鳳
驚時

詠紅牋

雜彩何足奇惟紅偏作可
灼燦類葉開輕明似霞
破鏤質卷芳脂裁花承百
和且傳別離心復是相
思裏不值情牽人豈識風
流座

詠薔薇

當戶種薔薇枝葉太葳蕤
不搖香已亂無風花自
飛春閨不能靜開匣理明
妃曲池浮采采斜岸列
依依或聞好音度時見銜
泥歸且對清觴湛其餘
任是非

詠鏡

高爽

初上鳳皇墀此鏡照蛾眉
言照長相守不照長相
思虛心會不採貞明空自
欺無言故此物更復照
新期

詠畫扇

鮑子卿

新絲本自輕弱綵何足眇
直爲發紅顏謬成握中

扇乍奉長門泣時承柏梁
宴思粧開已歌掩容隱
而見但畫雙黃鸝莫作孤
飛燕

詠玉階

玉階已夸麗復得臨紫微
北戶接翠幄南路抵金
扉重疊通日影參差藏月
輝輕苔染珠履微漱拂
羅衣獨笑崑山曲空見青
鳧飛

學謝體

何子朗

桂臺清露拂銅陛落花沾
美人紅粧羅攀鉤捲細
簾思君暫促柱玉指何纖
纖未應爲此別無故坐
相嫌

和虞記室騰古意

美人弄白日灼灼當春牖
清鏡對蛾眉新花映玉
手燕下拾池泥風來吹細
柳君子何時歸與我酌
樽酒

和繆郎視月

清夜未亡疲細簾聊可發
冷泠玉潭水映我蛾眉
月靡靡露方垂輝光稍沒
佳人復千里餘影徒
揮忽

詠步搖花

范靖婦

珠華繁翡翠寶葉間金瓊
剪荷不似製爲花如自

生低枝拂繡領微步動瑤珞但令雲鬢插蛾眉本
易成

戲繡娘

明珠翠羽帳金薄綠綃帷因風時暫舉想象見芳
姿清晨插步搖向晚解羅衣託意風流子佳情詎
可私

詠五彩竹火籠

可憐潤霜質纖削復豪分織作迴風苴製為紫綺
文含芳出珠被曜彩接綉裙徒嗟今麗飾豈念昔
凌雲

詠燈

綺筵日已暮羅幃月未歸開花散鵲采含光出九
微風軒動丹燭冰宇澹清暉不畏輕蛾繞唯恐曉
蠅飛

日夕望江贈魚司馬

何遜

溢城帶溢水溢水索如帶日夕望高城眇眇青雲
外城中多宴賞絲竹常繁會管聲已流悅絃聲復
淒切歌黛慘如愁舞腰疑欲絕仲秋黃葉下長風
正騷屑早鴈出雲飛故燕辭簷別晝悲在異縣夜
夢還洛汭洛汭何悠悠起望登西樓的的帆向浦

團團日隱洲誰能一羽化輕舉逐飛浮

擬輕蒲篇

城東美少年重身輕萬億柘彈隨珠丸白馬黃金
勤長安九達上青槐蔭道植較擊晨已喧肩排暝
不息走狗通西望牽牛亘南直相期百戲傍去來
三市側象牀沓繡被玉盤傳綺食大婦掩扇歌小
婦開簾織相看獨隱笑見人還斂色黃鶴悲故群
山枝詠初識鳥飛過客盡雀聚行龍匿酌羽方狀
狀此時歡未極

詠照鏡

珠簾旦初捲綺羅朝未織玉匣開鑿形寶臺臨淨
篩對影獨含笑看花空轉側聊為出雲眉試染桃
天色羽釵如可問金鈿畏相逼蕩子行未歸啼粧
坐沾臆

閨怨

曉河沒高棟斜月半空庭窓中度落葉簾外隔飛
螢含情下翠帳掩涕閉金屏昔期今未反春草寒
復青思君無轉易何異比辰星

詠七夕

仙車駐七襄鳳駕出天潢月照九微火風吹百和

香來歡暫巧笑還淚已啼粧依稀洛汭侯忽似
高唐別離不得見河漢漸湯湯

詠舞

管清羅薦合絃驚雪袖遲逐唱迴纖手聽曲轉蛾
眉凝情盼墮珥微睇託含辭日暮留嘉客相看愛
此時

看新婦

霧夕蓮出水霞朝日照梁何如花燭夜輕扇掩紅
粧良人復灼灼席上自生光所悲高駕動環珮出
長廊

詠倡家

皎皎高樓幕華燭帳前明羅帷雀釵影寶瑟鳳雛
聲夜光枝上發新月霧中生誰念當窓牖相望獨
盈盈

詠白鷗嘲別者

可憐雙白鷗朝夕水上浮何言異栖息雌住雄不
留孤飛出嶼浦獨宿下滄洲東西從此去影響絕
無由

學青青河邊草

春園日應好折花望遠道秋夜苦復長抱枕向空

牀吹樓下促節不言於此別歌筵掩團扇何時一
相見絃絕猶依軫葉落栽下枝即此雖云別方我
未成離

嘲劉諮議孝綽

房櫳滅夜火窓戶映朝光妖女褰幃出蹀躞初下
牀雀釵橫曉髻蛾眉艷宿粧稍聞王釧逮猶憐翠
被香寧知早朝客差池已鴈行

古意應蕭信武歌

王樞

朝取飢蚕食夜縫千里衣復聞南陌上日暮採蓮
歸青苔覆寒井紅藥間青薇人生樂自極良時徒
見違何由及新燕双双還共飛

至烏林村見採桑者因有贈

遙見提筐下翩妍實端妙將去復回身欲語先爲
笑閨中初別離不許覓新知空結茱萸帶敢報木
蘭枝

徐尚書座賦得阿憐

紅蓮披早露玉貌映朝霞飛燕啼粧罷顧步插餘
花溘匝金鈿滿參差繡領斜暮還垂瑤帳香燈照
九華

秋閨有望

庾丹

耿耿橫天漢飄飄出岫雲月斜樹倒影風至水迴
文已泣機中婦復悲堂君上羅襦曉長襲翠被夜
徒薰空汲銀牀井誰逢金縷裙所思竟不至持酒
清夜分

夜夢還家

歸飛夢所憶共子汲寒漿銅瓶素絲綆綺井白銀
牀雀出丰茸樹虫飛玳瑁梁離人不相見爭忍對
春光

潘岳黃門述哀

青春速天機素秋馳白日美人歸重泉悽愴無終
畢殯宮已肅清松柏轉蕭索俯仰未能弭尋念非
但一拊衿悼寂寞恍然若有失明月入綺窓髮髯
想蕙質消憂非萱草永懷寄夢寐夢寐復冥冥何
由覲爾形我慙北海術爾無帝女靈願言出遠山
徘徊泣松銘雨絕無還雲華落豈留英日月方代
序寢興何時平

玉臺新詠卷之五

玉臺新詠目錄卷之六



吳均

三十四首

張率

三首

徐憚

三首

費昶

十首

姚翻

二首

劉今嫻

二首

何思澄

三首

玉臺新詠卷第六

古意

吳均

匈奴數欲盡僕在玉門關蓮花穿劍鏑秋月掩刀
環春機鳴窈窕夏鳥思綿蠻中人坐相望狂夫終
未還

採桑

賤妾思不堪採桑渭城南帶滅連枝綉髮亂鳳皇
繁花舞依長薄蛾飛愛綠潭無由報君信流涕向
春蚕

梅花落

終冬十二月寒風西北吹獨有梅花落飄蕩不依
枝流連逐霜彩散漫下冰澌何當與君日共映芙
蓉池

與柳惲相贈答六首

黃鸝飛上苑綠芷出河洲日映昆明水春生乾鵝
樓飄颻白花舞瀾漫紫萍流書織迴文錦無因寄
隴頭思君甚瓊樹不見方離憂

鳴鞭適大阿聯翩渡漳河燕姬及趙女挾瑟夜經
過織腰曳廣袖半額畫長蛾客本倦游者箕箒在
江沱故人不可棄新知空復何

離君苦無樂回暮心悽悽要途訪趙使聞君仕執
珪杜蘅色已發芻蒲葉未齊羅懸吞餌罌差池燕
吐泥願遂東風去飄蕩至遠西

白日隱城樓勁風掃寒木離杆隔東西執手異涼
燠相思咽不言洞房清且肅歲去甚流烟時來如
轉軸別鶴千里飛孤雌夜未宿

閨房宿已靜落月有餘輝寒虫隱壁思秋蛾繞燭
飛絕雲斷更合離鴻去復歸佳人今何在迢迢江
之沂一為別鶴棄千里淚沾衣

秋雲靜晚天寒夜方綿綿聞君吹急管相思雜採
蓮別離未幾日高月三成弦蹀躞黃河浪嘶昌隴
頭蟬寄書靡蕪葉插着叢臺邊

擬古四首

陌上桑

嫋嫋陌上桑蔭陌復垂塘長條映白日細葉隱鸝
黃蚕飢妾復思拭淚且提筐故人寧知此離恨煎
人腸

秦王卷衣

咸陽春草芳秦帝卷衣裳玉檢茱萸匣金泥蘇合
香初芳薰複帳餘輝曜王堂當須宴朝罷持此贈

華陽

採蓮

錦帶雜花鈿羅衣垂綠川問子今何去出採江南
蓮遼西三千里欲寄無因緣願君早旋返及此荷
葉鮮

携手

艷裔陽之春携手清洛濱雞鳴上林花薄暮小平
津長裙薄白日廣袖葉芳塵故交一如此新知詎
憶人

贈杜容成

一燕海上來一燕高臺息一朝所逢過依然舊所
識問我來何遲山川幾紆直蒼言海路長風多飛
無力昔別縫羅春衣風初入惟今來夏欲曉桑蛾
薄樹飛

春詠

春從何處來拂衣復驚梅雲障青瑣闥風吹承霧
臺美人隔千里羅幃關不開無由得共語空對相
思杯

去妾贈前夫

棄妾在河橋相思復相遼鳳簪落髮蓮花帶緩

腰腸從別處斷貌在淚中消願君憶疇昔片言時
見饒

詠少年

董生唯巧笑子都信美目百萬市一言千金買相
逐不道參差菜詣諭窈窕淑願君捧繡被來就越
人宿

春怨

四時如湍水奔飛競迴復夜鳥響嚶々朝花照煜
煜厭見花成子多看筍成竹萬里斷音書十載異
栖宿積愁落芳鬢長啼壞美目君去往榆關妾留
住亟谷唯對昔耶房如鬼蜘蛛屋獨喚響相酬還
時影自逐象牀易鴛篋羅衣變單複幾度過風霜
猶能保榮獨

月夜詠陳南康新有所納

二八人如花三五月如鏡開簾一種色當戶兩相
映重價出秦韓高名入燕鄭十城屢請笏千金幾
爭聘君意自能專妾心本無競

見貴者初迎盛姬聊為之詠

久想專房麗未見傾城者千金訪繁華一朝遇容
冶家本薊門外來戲叢臺下長卿幸未匹文君復

新寡

與司馬治書同聞隣婦夜織

洞房風已激長廊月復清
藹藹夜庭廣飄飄曉帳清
雜聞百虫思偏傷一息聲
鳥聲長不息妾心復何極
猶恐君無才夜々當窓織

夜愁

簷露滴為珠池水合成壁
萬行朝淚瀉千里夜愁極
孤帳閉不開寒膏盡復益
誰知心眼亂看朱忽成碧

春閨有怨

愁未不理髮春至更攢眉
悲看蚊蝶粉泣望蜘蛛絲
月映寒蛩禱風吹翡翠帷
飛鱗難托意馭翼不綴思

擣衣

足傷金管處多愴緹光促
下機鴛西眺鳴砧遽東旭
芳汗似蘭湯彫金辟龍燭
散度廣陵音慘寫漁陽曲
別鶴悲不已離鸞斷更續
尺素在魚腸寸心憑鴈足

為人傷近不見

羸女鳳凰樓漢姬柏梁殿
詎將勝仙死音容猶可

見我有一心人同鄉不異縣
異縣不成隔同鄉更脉脉
脉脉如牛女何由得一語

為何庫部舊姬擬蕪蕪之句

出戶望蘭薰寒簾正逢君
斂容纔一訪新知詎可聞
新人含笑近故人含淚隱
妾意在寒松君心逐朝槿

在王晉安酒席數韻

窈窕宋華容但歌有清曲
轉吟非無時斜扇遠相矚
詎減許飛瓊絕勝劉碧玉
何因送款款伴飲杯中醇

為人有贈

碧玉與綠珠張廬復雙女
曼聲古難匹長袂世無侶
似出鳳凰樓言發瀟湘渚
幸有寒衣便含情寄一語

何生姬有怨

寒樹桺靄此月映風復吹
逐臣與棄妾零落心可知
寶琴徒七絃蘭燈空柏枝
輦容不足効啼粧杖復垂
同衾非楚越異國非此離

鼓瑟曲有所思

夜風吹燭々朝光照昔耶
幾銷靡蕪葉空見蒲桃

花不堪長織素誰能獨浣妙光陰復何極望促反
成除知君亦蕩子奈妾自倡家

為人寵姬有怨

可憐獨立樹枝輕根亦搖已為露所浥復為風所
飄錦衾鬢不開端坐夜及朝是妾愁成瘦非君重
細腰

為人自傷

自知心裏恨還向影中羞迴持昔憐憐變作今悠
悠還君與妾珥歸妾奉君裘斷絃猶可續心去最
難留

秋閨怨

斜光隱西壁暮雀上南枝風來秋扇屏月出夜燈
吹深心起百際遙淚非一垂徒勞妾辛苦終言君
不知

相逢行

張率

相逢夕陰階獨趨向冠里高門既如一甲第復相
似憑軾日欲昏何處訪公子公子之所在所在良
未知青樓出上路漸臺臨曲池堂上撫流徽疊樽

朝夕施橘柚分寶葉朱火燎金枝兄弟兩三人冠
佩紛陸離朝從禁門出車騎並驅馳金鞍瑪瑙勒

聚觀路傍兒入門一顧望鳧鵠有雄雌雄雌各數
千相鳴戲羽儀並在東西立群次何離離大婦刺
方領中婦抱嬰兒小婦尚嬌稚端坐吹參差丈夫
無遽起神鳳且來儀

對酒

對酒誠可樂此酒復能醇如華良可貴如浮更非
珍何以留上客為寄掌中人金尊清復滿玉椀亟
來親誰能共遲暮對酒及芳晨君當歌未罷却座
避梁塵

遠期

遠期終不歸節物坐將變白露濕單衣秋風息團
扇誰能少離別他鄉且異縣浮雲蔽重山相望何
時見寄言遠行者空閨淚如霰

贈內

徐悱

日暮想青陽躡履出椒房網虫生錦薦遊塵掩玉
牀不見可憐影空聞黼帳香彼美情多樂挾瑟坐
高堂豈忘誰憂者向隅獨心傷聊因一書札以代
九迴腸

對房前桃樹詠佳期贈內

相思上北閣徙倚望東家忽有當窓樹兼含映日

花芳鮮類紅粉比素若鉛華更使心增意彌令想
狹斜無如一路阻脉脉似雲霞嚴城不可越言折
伐疎麻

華觀省中夜聞城外擣衣

閨闔下重關丹墀吐明月秋氣城中今秋砧城外
發浮聲繞臺雀飄響度龍闕婉轉何藏摧當佳上
路來藏摧意未已定自乘軒裏乘軒盡世家從麗
似朝霞圓璫耳上照方繡領間斜衣薰百和屑鬢
搖九枝花昨暮庭槐落今朝羅綺薄拂席捲外央
開慢舒龜鶴金波正容與玉步依砧杵紅袖往還
縈素腕參差舉徒聞不得見獨夜空愁佇獨夜何
窮極懷之在心側階垂玉衡露庭舞松風翼瀝滴
流星輝燦爛長河色三冬誠足用五日無糧食揚
雲已寂寥今君復弦直

和蕭紀室春旦有所思

芳樹發春輝蔡子望青衣水逐桃花去春隨楊柳
歸楊柳何時歸曩々復依依已墜章臺陌復掃長
門扉獨知離心者坐惜春光遠洛陽遠如日何由
見交妃

春郊見美人

芳郊拾翠人迴袖捲芳春金輝起步搖紅米發吹
輪湯湯蓋頂日飄飄馬足塵薄暮高樓下當知妾
姓秦

詠照鏡

晨輝照杏梁飛燕起朝粧留心散廣黛輕手約花
黃正釵時念影拂絮且憐香方嫌翠色故乍道王
無光城中皆半額非妾盡眉長

陽春發和氣

日淨班姬門風輕董賢館卷耳綠家出反舌登牆
喚蚕女桂枝鈎遊童蘇合彈拂袖當留客相逢莫
相難

秋夜涼風起

佳人在河內征夫鎮馬邑零露一朝團中夜雨垂
泣氣爽牀帳冷天寒針縷澁紅顏本暫時君還詎
相及

採菱

妾家五湖口採菱五湖側王面不關粧雙眉本翠
色日斜天欲暮風生浪未息宛在水中央空作兩
相憶

鼓吹曲二首

高巫山

巫山光欲晚陽臺色依依彼美岩之曲寧知心是非朝霽觸石起暮雨潤羅衣願解千金佩請逐大王歸

有所思

上林鳥欲栖長安日行暮所思爵不見空想丹墀步簾動憶君來雷聲似車度北方佳麗子窈窕能迴顧夫君自迷惑非為妾心妬

同郭侍郎採桑

姚翻

鴈還高柳北春歸洛水南日照茱萸領風搖翡翠笨桑間視欲暮閨裏遽飢蚕相思君助取相望妾那堪

孔翁歸和湘東王班姬一首

長門與長信日暮九重空雷聲隱聽隱車響絕籠籠恩光隨妙舞團扇逐秋風鉛華誰不慕人意自艱終

劉令嫺詩二首

徐悱妻

花庭麗景斜蘭牖輕風度落日更新粧開簾對春樹鳴鶻葉中舞戲蝶花間鶯調瑟本要歡心愁不成趣良會誠非遠佳期今不遇欲知幽怨多春閨

深且暮

東家挺奇麗南國擅容輝夜月方神女朝霞喻洛妃還看鏡中色比艷似知非擗辭徒妙好連類頰乖違智夫雖已麗傾城未敢希

何思澄三首

寂寂長信晚雀聲哦洞房蜘蛛網高閣駭鮮被長廊虛殿簾帷靜閑階花藥香悠悠視日暮還復拂空牀

擬古

故交不可忘猶如蘭桂芳新知雖可悅不異茱萸香妾有鳳雛曲非為陌上桑薦君君不御抱瑟自悲涼

南苑逢美人

洛浦疑迴雪巫山似旦雲傾城今所見傾國昔曾聞嬌服隨嬌合舟唇逐笑分風卷蒲桃帶日照石榴裙自有狂夫在空持勞使君

荅唐娘七夕所穿針

徐悱

倡人助漢女靚粧臨月華連針學並蒂繁縷作開花嬌閨絕綺羅攬贈自傷嗟雖言未相識聞道出良家曾停霍君騎經過柳惠車無由一共語暫看

日升霞

擣衣

擬長安有狹斜十韻

梁武帝

擬明月照高樓

又

擬青青河邊草

代蘇屬國婦

古意

臨高臺

芳樹

有思所

古意

紫蘭始萌

織婦

七夕

戲作

樂府三首

皇太子製

艷歌篇

蜀國絃歌十韻

妾命薄篇十韻

代樂府三首

新成安樂宮

雙梧生空井

楚妃嘆

和湘東王橫吹曲四首

玉臺新詠卷之六

洛陽道

折楊柳

紫驪馬

南湖

北渚

太堤

蓮舟買荷度

照流看落釵

春宵

冬曉韻

戲作謝惠連體十三

倡婦怨情十二韻

和徐錄事見內人作臥具

戲贈麗人

秋閨夜思

和湘東王名士悅傾城

從頓暫還城

詠人棄妾

執筆戲書

艷歌曲

怨

擬沈隱侯夜夜曲

七夕

同劉諮議詠春雪

晚景出行

賦樂府得大垂手

賦樂器得箜篌

詠舞

春閨情

又三韻

率爾成詠

美人晨粧

賦得當爐

林下妓

擬落日窓中坐

美人觀畫

變童

代秋胡婦閨怨邵陵王綸

車中見美人

代舊姬有怨

登顏園故閣

湘東王繹

戲作艷詩

夜遊柏齋

和劉上黃

寒宵

詠晚栖烏

詠秋夜

同蕭長史看妓

和湘東王夜夢應令

曉色

閨妾寄征

玉臺新詠卷之七

擣衣

梁武帝

駕言易水北送別河之陽
 沉思慘行鑣結夢在空
 牀既寤丹綠謬始知統
 素傷中洲木葉下邊城
 應早霜陰虫日慘烈庭
 草復云黃金風但清夜
 明月縣洞房嫋嫋同宮
 女助我理衣裳參差夕
 杵引哀怨秋砧揚輕羅
 飛玉腕弱翠低紅粧朱
 顏日已興盼睇色增光
 擣以一匪石文成双外
 央制握斷金刀薰用如
 蘭房佳期久不歸持此
 寄寒鄉妾身誰與容思
 君苦人腸

擬長安有狹斜十韻

洛陽有曲陌陌曲不通驛
 忽逢一少童扶轡問君
 宅君宅邯鄲右易憶復
 可知大息組網縕中息
 珮陸離小息尚青綺總
 戀遊南皮三息俱入門
 家臣拜門垂三息俱升
 堂旨酒盈千卮三息俱
 入戶內有光儀大婦理
 金翠中婦事玉觴少婦
 獨閑暇調笙遊曲池丈
 夫少徘徊鳳吹方參差

擬明月照高樓

圓魄當虛闥清光流思
 筵筵思對孤影悽怨還
 自憐臺鏡早生塵匣琴
 又無絃悲慕屢傷節離
 憂亟

玉臺新詠目錄卷之七

華年君如東扶景妾似西柳煙相去既路迥明晦亦殊懸願為銅鐵纏以感長樂前

擬青青河邊草

幕幕綉戶絲悠悠懷昔期昔期久不歸鄉國曠音輝音輝空結遲半寢覺知至既寤了無形與君隔死生月似雲掩光葉似霜催老當途競自容莫肯與妾道

代蘇屬國婦

良人與我期不謂當過時秋風忽送節白露凝前基愴々獨涼枕搔々孤月帷或聽西北鴈似從寒海滙果啣萬里書中有生離辭惟言長別矣不復道相思胡羊久剽奪漢節故支持帛上看未終臉下淚如絲空懷之死誓遠勞同穴詩

古意

飛鳥起離離驚散忽差池嗷嘈透樹上翩翩集寒枝既悲征役久偏傷攏上兒寄言閨中愛此心詎能知不見松蘿上葉落根不移

芳樹

綠樹始搖芳芳生非一葉一葉度春風芳華自相接雜色亂參差衆花紛重疊重疊不可思思此誰

能愜

臨高臺

高臺半行雲望望高不極草樹無參差山河同一色髮髯洛陽道道遠難別識玉階故情人情來共相憶

有所思

誰言生離久適意與君別衣上芳酒在握裏書未滅腰間雙綺帶夢為同心結常恐所思露瑤花未忍折

古意

當春有一草綠花復垂枝云是忘憂物生在北堂垂飛飛双蛺蝶低低兩差池差池低復起此芳性不移飛蝶双復隻此心人莫知

紫蘭始萌

種蘭玉臺下氣暖蘭始萌芬芳與時發婉轉迎節生獨使金翠嬌偏動紅綺情二遊何足瓌一顧非傾城羞將苓芝侶豈畏鸚鵡鳴

織婦

送別出南軒離思沈幽室調梭輟寒夜鳴機罷秋月良人在萬里誰與共成匹願得一迴光照此憂

與疾君情倘未忘妾心長自畢

七夕

白露月下團秋風枝上鮮瑤臺生碧霧瓊幕垂紫
煙綺會非妙節佳期乃良年玉壺承夜急蘭油依
曉煎昔時悲難越今傷何易旋怨咽双念斷淒切
兩情懸

戲作

宓妃生洛浦遊女出漢陽妖閑逾下蔡神妙絕高
唐錦駒且變俗玉豹復移鄉况茲集靈異豈得無
方將長袂必留客清哇咸繞梁燕趙羞容正西姐
慙芬芳徒聞殊可弄定自之明璫

樂府三首

皇太子

艷歌篇十八韻

凌晨光景麗倡女鳳樓中前瞻削成小傍望春旌
空分粧間淺壓繞臉傅斜紅張瑟未調軫飲吹不
全終自知心所愛出入仕秦宮誰言連伊屈更是
莫教通輕輶綴皂蓋飛轡轢雲驄金鞍隨繫尾銜
璩映躔駿戈鏤荆山玉劔飾丹陽銅左把蘇合彈
傍持犬屈弓控弦因鵲血挽強用牛蠊弋獵多登
隴酣歌每八豐暉々隱落日冉冉還房櫳燈生陽

燧火塵散鯉魚風流蘇時下帳象篔復韜筒霧暗
窓前柳寒疎井上桐女蘿托松際瓜蔓甘井東拳
拳恃君愛歲莫望無窮

蜀國弦歌十韻

銅梁望絕國劔道望中區通星上分野作固為下
都雅歌因良守妙舞自巴渝陽城嬉樂所劔騎辭
相趨五婦行難至百兩好游娛牲祈望帝祀酒酌
蜀俟姝江妃納重媧卓女愛得雛停絃時繫爪息
吹治脣朱春衫前錦浪迴扇避陽魚聞君旌節返
賤妾下城隅

妾薄命篇十韻

名都多麗質本自恃容姿蕩子行未至秋胡無定
期玉貌歇紅臉長鬢串翠眉奩鏡迷朝色縫針脆
故絲本異搖舟咎何關竊席疑生離誰撫育溘死
詎成遲毛嬙貌本絕踉蹌入檀帷盧姬嫁日晚非
復好年時轉山猶可逐烏白望難追妾心徒自苦
傍人會見喚

代樂府三首

新成安樂宮

遙看雲霧中耿耿映丹紅珠簾通曉日金花拂夜

風欲知聲管處來過安樂宮

雙桐生空井

季月双桐井新枝復舊株晚葉藏栖鳳朝花拂曙
鳥還看西子照銀牀牽轆轤

楚妃歎

幽閨情脉脉漏長宵寂寂草螢飛夜戶絲虫繞秋
壁簿笑未為欣微歎還成戚金簪鬢下垂玉筋衣
前滴

和湘東王橫吹曲二首

洛陽道

洛陽佳麗所大道滿春光游童初挾彈蚕妾始提
筐金鞍照龍馬羅袂拂春桑王車爭晚入潘果溢
高箱

折楊柳

楊柳亂成絲攀折上春時葉密鳥飛礙風輕花落
遲城高短簫發林空畫角悲曲中無別意併為久
思相

騶紫馬

賤妾朝下機正值良人歸青絲懸玉鐙朱汗染香
衣驟急珂瀾響踣多塵亂飛雕胡幸可薦故心君

莫違

雍州曲三首

南湖

南湖荷葉浮復有佳期遊銀綸翡翠鈎玉管芙蓉
舟荷香亂衣麝枕聲隨急流

北渚

岸陰垂柳葉平江含粉蝶好值城傍人多逢蕩舟
妾綠水濺長袖浮苔染輕櫂

大堤

宜城斷中道行旅極流連出姜工織素妖姬慣數
錢炊彫留吐客賞酒逐神仙

同庾肩吾四詠二首

蓮舟買荷度

採蓮前岍隈舟子屢徘徊披衣可織風疎荷香不
來欲知當度處當看荷葉開

照流看落釵

相隨照綠水意欲重涼風梳搖粧影壞釵落鬢花
空佳期在何許徒傷心不同

和湘東王三韻二首

春宵

花樹含春叢羅夜幃長空風聲隨篠韻月色與池
同綵牋徒自翫無信往雲中

冬曉

冬朝日照梁含怨下前牀帳褰竹葉帶鏡轉菱花
光會是無人見何用早紅粧

戲作謝惠連體十三韻

雜糝映南庭庭中光景媚可憐枝上花早得春風
意春風復有情拂慢且開楹盈盈開碧煙拂慢拂
垂蓮徧使紅花散飄揚落眼前亦多無况參差
鬱相望珠繩翡翠帷綺幕芙蓉帳香烟出窓裏落
月斜階上日影去遲遲節花咸在茲桃枝紅若點
柳葉亂如絲絲條轉暮光影落暮光長香燕双双
舞春心處處揚酒滿心聊足萱枝愁不忘

倡婦怨情十二韻

綺窓臨畫閣飛閣繞長廊風散同心草月散可憐
光髣髴簾中出妖麗特非常恥學秦羅髻羞爲樓
上粧散誕披紅幃生情新約黃斜燈入錦帳微煙
出玉房六安双玳瑁八幅兩鴛鴦猶是別時許留
值解心傷含情生度日俄頃變炎涼玉關驅夜雪
金氣落嚴霜飛狐驛使斷交河川路長蕩子無消

息朱唇徒自傷

和徐錄事見內人作臥具

密房寒日晚落照度窓邊紅簾遙不隔輕帷半捲
懸方知纖手製詎減縫裳妍龍刀橫脉脉盡尺墮
衣前熨斗金塗色簪管白牙躔衣裁合歡攝文作
鴛鴦連針用双縫縷絮是八蚕綿香和麗丘密麝
吐中臺烟己入琉璃帳兼雜太華氈且句彫爐煖
非同團扇捐更恐從軍別空牀徒自憐

戲贈麗人

麗姬與妖嬈共拂可憐粧同安髮裏撥異作額間
黃羅裙宜細簡畫屏重高牆含羞來上砌微笑出
長廊取花爭問色扳枝念藥香但歌聊一曲鳴絃
未息張自矜心所愛三十侍中郎

秋閨夜思

非關長信別詎是良人征九重忽不見萬恨滿心
生夕門掩魚鑰宵牀悲畫屏迴月臨窓度吟虫繞
砌鳴初霜賈細葉秋風驅亂螢故粧酒累日新衣
襖未成欲知妾不寐城外擣衣聲

和相東王士名悅傾城

美人稱絕世麗色譬花叢雖居李城北住在宋家

東教歌公主第學舞漢成宮多游淇水上好在鳳樓中履高疑上砌裾開特畏風衫輕見跳脫珠概雜青虫垂絲透帷幔落日度房櫳粧窓隔柳色井水照桃紅非憐江浦珮羞使春閨空

從頓暫還城

漢渚水初綠江南草復黃日暖蒲心發風吹梅蕊香征艫艤湯塹歸騎息金墮舞觀依裳袞歌臺絃未張特此橫行去誰念守空牀

詠人去妾

昔時嬌玉步含羞花燭邊豈言心愛斷啣啼私自憐常見歡成怨非關醜易妍獨鵠罷中路孤鶯驚鏡前

執筆戲書

舞女及燕姬倡樓復蕩婦參差大戾發搖曳小垂手釣竿蜀國彈新城折楊柳玉按西王桃蠶杯石榴酒甲乙羅帳異辛壬房戶暉夜夜有明月時時憐更衣

艷歌曲

雲榴桂成戶飛棟杏為梁斜窓通藥氣細隙引塵光裁衣魏后尺汲水淮南牀青驪暮當返預使羅

裙香

怨

秋風與白團本自不相安新人反故愛意氣豈能寬黃金肘後印白玉案前盤誰堪空對此還成無歲寒

擬沈隱侯夜夜曲

藹藹夜中霜何關向曉光枕啼當帶粉身眠不着牀蘭膏斷更益薰爐滅復香但問愁多少便知夜短長

七夕

秋期此時夫長夜從河靈紫煙凌鳳羽奔光隨玉辘洛湯疑劍氣成都怪客星天梭織來久方逢今夜停

同劉諮議詠春雪

晚霞飛銀礫浮雲暗未開入池消不積因風墮復來思婦流黃素溫姬玉鏡臺看花言可挿定有非春梅

晚景出行

細樹含殘影春閨散晚香輕花鬢邊墮微汗粉中光飛冕初罷曲啼鳥忽度行羞今日暮車騎辭

相望

賦樂府得大垂手

垂手忽若若飛燕掌中嬌羅衣恣風引輕帶任情
搖詎似長沙地促舞不迴腰

賦樂名得墜篋

換遲初挑吹弄急時催舞劍響逐絃鳴私迴半障
柱欲知心不平君看黛眉聚

詠舞

可憐初二八逐節似飛鴻懸勝河陽妓閣與淮陽
同行看履進轉面望鬟空腕動若華王袖隨如
意風上客何須起啼鳥曲未終

春閨情

楊柳葉纖纖佳人懶織縑正衣還向鏡迎春試捲
簾摘梅多繞樹覓燕好窺簷只言逐花草計較應
非嫌

又三韻

珠簾向暮下妖姿不可追花風暗裏覺蘭燭帳中
飛何時玉窓裏夜夜更縫衣

率爾成詠

借聞仙將畫詎有此佳人傾城且傾國如雨復如

神漢后憐名燕周王重姓申挾瑟會游趙吹簫屢
入秦玉階偏望樹長廊每逐春約黃出意巧纏絃
用去新迎風時引神避日暫披巾疎花映髻插綉
佩逸衫身誰知口欲薄含差不自陳

美人晨粧

北向窓朝鏡錦帳復斜縈嬌羞不肯出猶言粧未
成散黛隨眉廣燕脂逐臉生試將持出衆定得可
憐名

賦得當爐

十五正團圓流光滿上蘭當爐設夜酒宿客解金
鞍迎來挾瑟易送別但歌難詎知心恨意翻令衣
帶寬

林下妓

炎光向夕歛促宴臨前池泉聲影相得花與面相
宜管聲長鳥弄舞扶爲風枝歡樂不知醉千秋長
若斯

擬落日窓中坐開

杏梁斜日照餘輝映美人開匣脫寶劍向鏡理紈
巾游魚動池葉舞鶴散階塵空嗟千歲久願得及
陽春

美人觀畫

殿上畫神女宮裏出佳人可憐俱是畫誰能辨偽
真分明淨眉目一種細腰身所有特為異長有好
精神

代秋胡婦閨怨

邵陵王綸

蕩子從游宦思妾守房櫳塵鏡朝朝掩寒衾夜夜
空若非新有悅何事久西東知人相憶不淚盡夢
啼中

車中見美人

關情出眉眼軟媚着腰肢語笑能嬌媚行步絕逶
迤空中自迷惑渠傍會不知懸念猶如此得應時
若為

代舊姬有怨

寧為萬里別乍此生別離那堪眼前見故愛逐所
移未展春光落遽起秋風吹怨黛愁還歛啼粧拭
更垂誰能巧為賦黃金妾自費

登顏園故閣

湘東王繹

高樓三五夜流影入丹墀先時留上客夫婿芙蓉
姿粧成理蟬鬢笑罷斂蛾眉衣香知步近釧動竟
行遲如何舞館樂翻見歌梁悲猶懸北窓愧未捲

南軒帷寂寂空郊暮非復少年時

戲作艷詩

入堂值小婦出門逢故夫含辭未反吐絞袖且踟
躕搖茲扇似月掩此淚如珠今懷同無已故情今
有餘

夜遊柏齋

燭暗行人靜簾開雲影入風細雨聲遲夜短更籌
急能下班姬淚復使倡樓泣况此客遊人中宵空
停立

和劉上黃

新鶯隱葉轉新燕向窓飛柳絮時依酒梅花乍入
衣玉珂輕風度金鞍映日暉無令春色晚獨望行
人歸

詠晚栖鳥

日暮連翻翼俱向上林栖風多前鳥駛雲暗後群
迷路遠聲難徹飛斜行未齊應從故鄉返幾過入
蘭閨借問倡樓妾何如蕩子妻

寒宵

烏鵲夜南飛良人行未歸池水浮明月寒風送擣
衣願織迴文錦因君寄武威

秋夜

秋夜九重空蕩子怨房櫳燈光入綺帷簾影進屏風金徹調玉軫茲夜撫離鴻

同蕭長史看妓

武陵王

燕姬秦妙舞鄭女發清歌迴羞出慢臉送態入嚙哦寧殊值行雨詎減見凌波想君愁日暮應羨魯陽戈

和湘東王夜夢應令

昨夜夢君歸賤妾下鳴機意知君意薄不著去時衣故言如夢裏賴得鴈書飛

曉色

晨禽爭學囀朝花亂欲開爐烟入斗帳屏風隱鏡臺紅粧隨淚盡蕩子何時迴

閨妾寄征

飲色金星聚縈悲玉筯流願君看海氣憶妾上高樓

玉臺新詠目錄卷之八

蕭子顯

二首

王筠

六首

劉孝綽

五首

劉遵

二首

王訓

一首

庾肩吾

六首

劉孝威

三首

徐君蒨

二首

鮑泉

二首

劉緩

四首

鄧鏗

二首

甄固

一首

庾信

四首

劉邈

四首

紀少瑜

三首

聞人蒨

一首

徐孝穆

四首

吳孜

一首

湯僧齊

一首

劉令嫺

王叔英妻

一首

一首

玉臺新詠卷之八

古樂府

蕭子顯

大明上蒼若陽城射凌霄光照窓中婦絕世同阿
 嬌明鏡盤龍簪刻羽鳳彫逶迤梁家髻冉冉楚
 宮腰輕紈拂重錦薄縠間飛綃三六前年暮四五
 今年朝蚕困拾芳繭桑陌採柔條出入東城里上
 下洛西橋忽逢車馬客飛蓋動檐輶單衣鼠毛織
 寶劍羊頭鞘丈夫疲應對御者輟銜鑣桂間徒脉
 脉垣上幾翹翹女本西家宿君自上官要漢馬三
 萬匹夫婿任飄颻鞞囊虎頭綬左珥鳧盧貂橫吹
 龍鍾管奏鼓象牙簫十五張內侍十八賈登朝皆
 笑顏郎老盡訝董生超

代美女篇

邯鄲暫輟舞巴姬請罷絃佳人溱洧上艷趙復傾
 燕繁穠既爲李照水亦成蓮朝沽成都酒暝數河
 間錢餘光幸未惜蘭膏空自煎

春月

王筠

日照鴛鴦殿萍生鴈鷺池遊塵隨影入弱柳帶風
 垂青鶻逐黃口別鶴慘羈雌同衾遠遊說結愛久
 生離於今方溘死寧湏萱草枝

卷苑心未發，靡蕪葉欲齊。春蚕方曳緒，新燕正啣泥。野雉呼雌雉，庭禽挾子栖。從君客梁後，方畫掩春閨。山川隔道里，芳草徒萋萋。

秋夜二首

九重依夜管，四壁慘無輝。招搖顧西落，烏鵲向東飛。流螢漸收火，絡緯欲催機。爾時思錦字，持製行人衣。所望丹心達，嘉客倘能歸。露華初泥泥，桂枝方悚悚。煞氣下重軒，輕陰滿四屋。別寵憎脩夜，遠征悲獨宿。愁牽翠羽眉，淚滿橫波目。長門絕往來，含情空杼軸。

遊望二首

落日照紅柱，挾瑟當函牖。寧復歌靡蕪，唯聞嘆楊柳。結好在同心，離別由衆口。徒設露葵羹，誰酌蘭英酒。會日杳無期，檝華安得久。相思不安席，聊至狹斜東。愁眉傲歲里，高髻學城中。隻眉偏照日，獨蓋好縈習。自知心所愛，獻賦甘泉宮。博聞方鼎食，詎春憶閨容。

遙見鄰舟主人投一物，衆姬爭之有客請

余為詠

劉孝綽

河流既浼々，河鳥復關關。落花浮浦出，飛雉復流

還此日倡家女，競嬌桃李顏。良人惜美珥，欲以代芳管。新嫌疑故素，盛趙蔑衰班。曳綯事掩穀，搖珮牽鳴環。客心空振蕩，高枝不可扳。

淇上人戲蕩子婦示行事

桑中始奕奕，淇上未湯湯。美人要雜珮，上客綉明璫。日闇人聲靜，微步出蘭房。露葵不待勸，鳴瑟無暇張。翠釵掛已落，羅衣拂更香。如何嫁蕩子，春夜守空牀。不見青絲騎，徒勞紅粉粧。

賦得照基燭刻五分成

南皮絃吹罷，終奕且留賓。日下房櫳閉，華燭命佳人。側光金照局，迴花半隱身。不亂纖手卷，羞令夜向晨。

夜聽妓賦得烏夜啼

鷓鴣絃且輟，弄鶴操暫停。微別有啼烏，曲東西相背。飛倡人怨獨，守蕩子遊未歸。若逢生離曲，長夜泣羅衣。

賦得遺所思

遺簪彫玳瑁，贈綺織鴛鴦。木若華滋樹，交枝蕩子房。別前秋已落，別後春更芳。所思不可寄，唯憐盈袖香。

繁華應令

劉遵

可憐周小童微笑摘蘭叢鮮膚如粉白慢臉似桃
紅挾彈雕陵下垂鈎蓮葉東腕轉飄香麝衣輕任
好風幸承枕席選得奉畫堂中金屏障翠翡籃杷
覆薰籠本欲傷輕薄含亂羞自通剪袖恩雖重殘
桃愛未終蛾眉詎須嫉新粧迎入宮

頓還城應令

漢水深難渡深潭見底清錦竿繫鳧舸珠竿懸翠
鈴鳴笳芳樹曲流唱採蓮聲神遊不停駕日暮返
連營寧顧重房重階上綠苔生

奉和率爾有詠

王訓

殿內多仙女從來難比方別有當窓艷復是可憐
粧學舞勝飛燕染粉簿南陽散黃分黛色薰衣雜
麝香簡釵新輟翠試履逆垣牆一朝恃容色非復
守空房君恩若可恃願作双鴛鴦

有所思

瘦肩吾

佳期竟不歸春物坐芳菲拂匣看離扇開箱見別
離并梧生未合宮槐卷復稀不及啣泥燕從來相
逐飛

詠美人自看畫應令

欲知畫能巧喚取真來映並出似分身分看如對
鏡安釵等疎密着領俱周正不解平城圍誰與丹
后競

賦得橫吹曲長安道

柱宮橫複道黃山開廣路遠聽平陵鍾遙識新豐
樹合殿生光米離宮起煙霧日落歌吹還塵飛車
馬度

南苑還看人

春花競玉顏俱折復俱板細腰宜窄衣長釵巧挾
鬟洛橋初度燭青門欲上關中人應有望上客莫
前還

相東王春宵應令

征人別來久年芳復臨牖燭下夜逢衣春寒偏著
手願返歸飛鴈因書寄高柳
送別於建興苑相逢

相逢小苑北停車問苑中梅新雜柳故粉白映綸
紅去影背斜日香衣臨上風雪消階漸黑冰開池
半通去馬船難歸啼鳥曲未終眷然從此別車西
馬復東

侍宴賦得龍沙宵月明

劉孝威

鵲飛空繞樹月輪殊未圓
姮娥望不出桂枝梢隱
殘落照移樓影浮光動
壘瀾樞馬悲笳吹城鳥啼
塞寒傳聞機杼妾愁余
衣服單當秋終已脆啣啼
織復難斂眉雖不樂舞
劍強爲歡請謝丞闕吏行
當看一九

奉和湘東王應令冬曉

妾家邊洛城慣識曉鐘聲
鍾聲猶未絕漢使報應
行天寒硯冰凍心悲書不成

都縣遇見人織率爾歌婦

妖姬含怨情織素起秋聲
度梭環王動踏躡珮珠
鳴經移疑杼澁緯斷恨絲
輕蒲桃始欲罷鴛鴦猶
未成雲棟共徘徊紗窓相
向開函疎眉語度紗輕
眼咲來矐矐隔淺紗的的
見粧華鏤玉同心帶列
寶連枝花紅衫向後結金
簪臨鬢斜機頂挂流蘇
機傍垂結珠青絲伏引免
黃金繞轆轤艷彩裾邊
出芳脂口上逾百城交問
道五馬共踟躕真爲閨
中人守故不要新夢啼漬
花枕覺淚濕羅巾獨眠
真自難重余猶竟寒逾憶
凝脂暖彌想橫陳歡行
驅金絡騎蹄就南城端城
南稍有期想子亦勞思
羅衣久應罷花釵堪更治
新粧莫點黛余還自畫

眉

共內人夜坐守歲

徐君舊

歡多情未極賞至莫停杯
酒中挑喜子粽裏覓楊
梅簾開風入帳燭盡炭成
灰勿疑鬢釵重爲待曉
光催

初春携內人行戲

梳飾多今世不著一時新
草短猶通屣梅香漸著
人樹斜牽錦帔風橫入紅
綸滿酌蘭英酒對此得
娛神

南苑看遊者

鮑泉

洛陽小苑地車馬盛經過
綠溝駐行憶傍柳轉鳴
珂履高令響珮機輕半隱
羅浮雲無處所何用轉
橫波

落日看還

妖姬競早春上苑逐名辰
苔輕變水色霞濃掩日
輪離憂斜落照盡扇拂遊
塵衣香透已盡衫紅遠
更新誰家蕩舟妾何處織
縑人

敬酬劉長史詠名士悅傾城

不信巫山女不信洛川神
何關別有物別還是傾
城人徑共陳王戲曾與宋
家隣未嫁先名王來時

本姓素粉光猶似面朱色不勝唇遙見疑花發聞
香知異春釵長逐髮髮小稱腰身夜夜言嬌盡
朝朝態還新工傾荀奉倩能迷石季倫上客徒留
目不見正橫陳

雜詠湘東王三首

別後春池異荷盡欲生冰箱中剪刀冷臺上面脂
疑纖腰轉無力寒衣恐不勝

右冬宵

樓上起秋風絕望秋閨中燭溜花行滿香燃奩欲
空從教兩行淚俱浮粧上紅

右秋夜

不堪寒夜久夜夜守空牀衣裾逐坐禱釵影近燈
長無憐四幅錦何須辟惡香

右寒閨

和陰梁州雜怨

鄧鏗

別離雖未久遂如長別離叢桂頻銷葉庭樹幾攀
枝君言妾貌改妾畏君心移終須一相見併得兩
相知

奉和夜聽妓聲

又

燭華似明月鬢影勝飛橋妓兒齊鄭樂爭妍學楚
腰新歌自作曲舊瑟不須調衆中俱不笑座上莫
相據

奉和世子春情

甄固

昨晚寒簾望初逢雙燕歸今朝見桃李不啻數花
飛以愁春欲度無復寄芳菲

和詠舞

洞房花燭明燕餘双舞輕頰復隨疎節低髮逐上
聲伴轉行初進飄衫曲未成迴鸞鏡欲滿鵲顧市
應傾已曾天上學詎似世中生

和何僕射還宅懷故

紫閣旦朝罷中臺夕奏稀無復千金笑徒勞五日
歸步簷朝未掃蘭房書撥扉若生理曲處綱積迴
文機故瑟餘絃斷歌梁秋燕飛朝雲雖可望夜帳
定難依願憑甘露入方假慧燈輝寧知洛城晚還
淚獨沾衣

萬山見採桑人

劉遵

倡妾不勝愁結束下青樓逐伴西城路相携東陌
頭葉盡時移樹枝高乍易鈎絲繩掛且脫金籠寫
復收蚕飢日已暮詎為使君留

見人織聊為之詠

織纖運玉指脉脉正蛾眉振躡開交鑷停梭續斷
絲簷花照初月洞戶未垂帷弄機行掩淚翻令織
素遲

秋閨

螢飛綺窓外妾思霍將軍燈前量獸錦簷下織花
紋墜露如輕雨長河似薄雲秋還百種事衣成未
暇薰

鼓吹曲折楊柳

高樓十載別楊柳擢絲枝摘葉驚開駛攀枝恨別
離年年阻音信月月減容儀春來誰不望相思君
自知

建興苑

紀少瑜

丹陵抱天邑紫苑更上林銀臺懸百仞王樹起千
尋水流冠蓋影風揚歌吹音踟躕憐拾翠顧步惜
遺金日落庭花轉方幔屢移陰終言樂未極不道
愛黃金

擬吳筠體應教

庭樹發春輝遊人競下機却匣擊歌扇開箱擇舞
衣乘萎不復惜看花遠將夕自有專城居空持迷
上客

春日二首

愁人試出牖春色定無窮參差依網日淡蕩入簾
風落花還繞樹輕飛去隱空徒令玉筋泣双垂明

鏡中

高臺動春色清池照日華綠葵向光轉翠柳逐風
斜林有驚心鳥園多奪目花相與咸知節嘆子獨
離家人行今不返何勞空折麻

走筆戲書應令

徐孝穆

此日乍殷動相嫌不如春今宵花獨淚非是夜迎
人舞席秋來卷歌筵無數塵曾經新代故那惡故
迎新片月窺花簾輕寒入幙巾秋來應瘦盡偏自
著腰身

奉和詠舞

十五屬平陽因來入建章主家能教舞城中且巧
粧低鬟向綺席舉袖拂花黃燭送窓邊影衫傳鈿
裏香當關好留客故作舞衣長

和王舍人送客未還閨中有望

倡人歌吹罷對鏡覽紅顏拭粉留花稱除釵作小
鬟綺燈停不減高扉掩未關良人在何處光唯見
月還

為羊兗州家人答餉鏡

信來贈寶鏡亭亭似團月鏡久自踰明人久情逾
歌取鏡挂空臺於今莫復開不見孤鸞鳥香魂何

處來

春閨怨

吳孜

王關信使斷借問不相諳春光太無意窺窓來見
參分與光音絕忽值日東南柳枝皆嬾燕桑葉復
催蚕物色頗如此孀居自不堪

滌井得金釵

湯僧濟

昔日倡家女摘花露井邊摘花還自插照井還自
憐翠羽成泥去金釵尚如先此人今不在此物今

空傳

和班婕妤

徐悱妻劉氏

日落應門閉愁思百端生况復昭陽近風傳歌吹
聲寵移終不恨讒枉太無情只言爭分理非妬舞
腰輕

和昭君怨

王叔英妻劉氏

一生竟何定萬事良難保丹青笑舊畫玉匣成秋
草想妾辭關路至今猶未燥漢使汝南來殷勤為
人道

玉臺新詠卷之八

玉臺新詠目錄卷之九

歌辭

越人歌

一首

司馬相如

烏孫公主

漢成帝時童謠

二首

漢桓帝時童謠

二首

張衡

四首

秦嘉

一首

魏文帝

二首

曹植

一首

傅玄

八首

張載

四首

晉時童謠

一首

陸機

一首

鮑昭

八首

釋寶月

一首

陸厥

一首

沈約

八首

吳筠

二首

張率

四首

費昶

二首

皇太子

一十五首

湘東王繹

四首

蕭子顯

六首

王筠

一首

劉孝綽

一首

劉孝威

一首

徐君蒨

二首

王叔英妻

一首

沈約

二首

王臺新詠卷之九

古詞

東飛伯勞歌

東飛伯勞西飛燕黃姑織女時相見誰家女兒對
門居開顏發艷照里閭南窓北牖挂明光羅幃綺
帳脂粉香女兒年幾十五六窈窕無雙顏如玉三
春已暮花從風空留可憐誰與同

梁武帝

河中之水歌

河中之水向東流洛陽女兒名莫愁莫愁十三能
織綺十四採桑南陌頭十五嫁與盧家婦十六生
兒字阿侯盧家蘭室桂為梁中有辭金蘇合香頭
上金釵十二行足下絲履五文章珊瑚掛鏡爛生
光平頭奴子擎履箱人生富貴何所望恨不早嫁
東家王

古詞一首

越人歌

楚鄂君子修者乘青翰之舟張翠羽衣蓋榜棹越
人悅之擢楫而歌以感鄂君歡然舉繡被而覆之
其辭曰

今日何日塞洲中流今夕何夕與王子同舟山有木兮木有枝心悅君兮君不知

琴歌并序

司馬相如

司馬相如遊臨邛富人卓王孫有女文君新寡竊於壁間窺之如相鼓琴歌以

挑之曰

鳳兮鳳兮歸故鄉遊遨四海求其皇時未遇兮無所將何悟今夕兮昇斯堂有艷淑女在此方室近人遐獨我傷何緣交頸為鴛鴦頡頏頡頏兮共翔

鳳兮鳳兮從我栖得記孳尾永為妃交情通意心和諧中夜相從知者誰双翼俱起高翻飛無感我心使余悲

詩一首并序

漢武元封中以江都王女細君為公主嫁與烏孫昆彌至國而自治宮室歲時一再會言語不通公主悲愁自作歌曰

吾家嫁我兮天一方遠託異國烏孫王穹廬為室

櫜為牆以肉為食兮酪為漿常思漢土兮心內傷

願為黃鵠歸故鄉

漢成帝時童謠二首并序

漢成帝趙皇后名飛燕寵幸冠於後宮

常從帝出時富平侯張放亦稱佞幸為

期門之游故歌云張公子時相見也飛

燕嬌姘成帝無子故云啄皇孫華而不

實王莽自云代漢德者土色尚黃故云

黃雀飛燕竟以廢死故為人所憐也

燕々尾涎涎張公子時相見木門倉琅根燕飛來

啄皇孫

桂樹花不實黃雀巢其顛昔為人所愛今為人所

憐

漢桓帝時童謠二首

小麥青青大麥枯誰當獲者婦與姑丈夫何在西

擊胡吏買馬君具車請為諸君鼓龍胡城上烏尾

畢逋公為吏兒為徒一徒死百乘車車班班至河

間河間河婉女能數錢以錢為室金為堂石上懸

懸春黃梁之下有懸鼓我欲擊之丞相怒

四愁詩

張衡

我所思兮在太山欲往從之梁甫難側身東望涕

沾翰美人贈我金錯刀何以報之英瓊瑤路遠莫

致倚逍遙何為懷憂心煩勞

我所思兮在桂林我欲從之湘水深側身南望涕

沾襟美人贈我金琅玕何以報之双玉盤路遠莫

致倚惆悵何為懷憂心煩傷

我所思兮在漢陽欲往從之壘坂長側身西望涕

沾裳美人贈我貂襜褕何以報之明月珠路遠莫

致倚踟躕何為懷憂心煩紆

我所思兮在鴈門欲往從之雪紛紛側身北望涕

沾巾美人贈我錦綉段何以報之青玉案路遠莫

致倚增嘆何為懷憂心煩惋

贈婦

秦嘉

暖暖白日引曜西傾啾啾雞群飛雀赴楹皎皎明月煌煌列星嚴霜悽愴飛雪覆庭寂寂獨居寥寥空室飄飄桂帳熒熒華燭爾不是居帷帳何施爾不是照華燭何為

燕歌行

魏文帝

秋風蕭瑟天氣涼草木搖落露為霜群燕亂歸鴈南翔念君客遊多思腸慊慊思歸戀故鄉君為淹留寄他方賤妾莞莞守空房憂來思君不可忘不覺淚下沾衣裳授琴鳴絃發清商短歌微吟不能

長明月皎皎照我牀星漢西流夜未央牽牛織女遙相忘爾獨何辜限河梁

別日何易會日難山川悠遠路漫漫爵陶思君未敢言寄聲浮雲往不還沾零兩面毀容顏誰能懷

憂獨不嘆展詩清歌聊自寬樂往哀來摧肺肝耿耿伏枕不能眠披衣出戶步東西仰看星月觀雲

間飛鶴晨鳴聲可憐留連顧懷不能存

安薄命行六言

曹植

日月既逝西藏更會蘭室洞房花燭步幃輝皎煌若日出扶桑促尊合坐行觴主人起舞盜盤能者

穴觸別端騰舩飛鬱闌干同量等色齊顏任意交屬所歡朱顏發外形蘭袖隨礼容極情妙舞仙仙

體輕裳解履遺絕纓俛仰味喧無呈覽持佳人玉顏齊接金鬱翠盤手形羅袖良難腕弱不勝珠環

坐者嘆息舒顏御巾裏粉君傍中有霍納都梁雞舌五味雜香進者何人齊姜恩重愛深難忘召延

覓好宴私但歌杯來何遲容賦既醉言歸主人稱露未晞

歷九秋篇薰桃行

傅玄

綵繡領兮含輝皎日迴光則微朱華忽爾漸衰影

綵繡領兮含輝皎日迴光則微朱華忽爾漸衰影

綵繡領兮含輝皎日迴光則微朱華忽爾漸衰影

綵繡領兮含輝皎日迴光則微朱華忽爾漸衰影

綵繡領兮含輝皎日迴光則微朱華忽爾漸衰影

綵繡領兮含輝皎日迴光則微朱華忽爾漸衰影

欲捨形高飛誰言往恩可追

齊與麥兮夏零蘭桂踐霜逾馨祿命緣天難明委
心結意丹青何憂君心中傾

車遙遙篇

車遙遙兮馬洋洋追思君兮不可忘君安遊兮西
入秦願為影兮隨君身君在陰兮影不見君依光
兮妾所願

燕人美篇

燕人美兮趙女佳其室則遠兮限層崖雲為車兮
風為馬玉在山兮蘭在野雲無期兮風有止思心
多端兮誰能理

擬四愁詩四首并序

張平子作四愁詩體小而俗七言類也
聊擬而作之名曰擬四愁詩其辭曰

我所思兮在瀛洲願為雙鵠戲中流牽牛織女期
在秋山高水深路無由慙余不遘嬰殷憂佳人貽
我明月珠何以要之比目魚海廣無舟悵勞劬寄
言飛龍大馬駒風起雲披飛龍逝波滔天兮馬不
麗何為多念心憂世
我所思兮在珠崖願為比翼浮清池剛柔合德配

二儀形影一絕長別離慙余不遘情如攜佳人貽
我蘭蕙草何以要之同心鳥火熱水深憂盈抱申
以琬琰夜光寶卞和既沒玉不察存若流光忽電
滅何為多念獨鬱結

我所思兮在崑山願為鹿豕闕虞淵日月迴曜照
景天參辰曠隔會無緣慙余不遘懼百艱佳人貽
我蘇合香何以要之翠鴛鴦懸度弱水川無梁申
以錦衣文綉裳三光騁邁景不留解以民生忽若
浮何為多念祇自愁

我所思兮在朔方願為飛燕俱南翔煥乎人道著
三光胡越殊心生異鄉慙余不遘懼可殃佳人遺
我羽葆纓何以要之影與形增冰憂結繁華零申
以日月指明星星辰有翳日月移驚馬哀鳴慙不
馳何為多念心自虧

盤中詩

山樹高烏鳴悲泉水深鯉魚肥空倉鵲常苦飢吏
人婦會夫希出門望見白衣謂當是而更非還入
門中心悲北上堂西入階急機絞杼聲催長嘆息
當語誰君有行妾念之出有曰還無期結中帶長
相思君忘妾未知之妾忘君罪當治妾有行宜知

之黃者金白者玉高者山下者谷姓者蘇字伯玉
作人才多智謀足家居長安身在蜀何惜馬蹄歸
不數羊肉千斤酒百斛令君馬肥麥與粟今時人
智四足與其書不能讀當從中央周不角

擬四愁詩

張載

我所思兮在南巢欲往從之玉山高登崖遠望涕
泗交我之懷矣心傷勞佳人遺我箇中布何以贈
之流黃素願因飄風超遠路終然莫致增永慕
我所思兮在朔眉欲往從之白雲扉登崖遠望涕
泗垂我之懷矣心傷悲佳人遺我雲中翮何以報
之連城壁願因歸鴻超遐隔終然莫致增永積
我所思兮在龍原欲往從之隔太山登崖遠望涕
泗連我之懷矣心傷煩佳人遺我双角端何以贈
之雕玉環願因行雲超重巒終然莫致增永嘆
我所思兮在營州欲往從之路阻脩登崖遠望涕
泗流我之懷矣心傷憂佳人遺我綠綺琴何以贈
之雙南金願因流波超重深終然莫致增永吟

晉惠帝時童謠

鄴中女子莫千妖前至三月抱胡腰

樂府

燕歌行

陸機

四時代序逝不追春風習習落葉飛蟋蟀在堂露
盈墀念君遠遊常苦悲君何緬然久不歸賤妾悠
悠心無違白日既沒明燈輝寒禽赴林匹鳥栖双
鴻關關宿河湄憂來感物睇不睇非君之念思爲
誰別日何早會何遲

代淮南王

鮑照

淮南王好長生服食鍊氣讀仙經琉璃作枕牙作
盤金鼎玉七合神丹戲紫房紫房綵女弄明璫鸞
歌鳳舞斷君腸

朱城九門門九閨願逐明月入君懷入君懷結君
珮怨君恨君恃君愛築城思堅劔思利同戚同衰
莫相棄

代白紵歌辭

朱唇動素袖舉洛陽少年邯鄲女古稱綠水今白
紵催絃急管爲君舞窮秋九月黃葉黃北風驅鴈
天雨霜夜長酒多樂未央

春風澹蕩俠思多天色爭綠氣妍和桃含紅萼蘭
紫芽朝日灼爍發園葩卷悞結幃盈玉筵齋驅秦
吹廬女絃千金顧笑買芳年

行路難

中庭五株桃一株先作花陽春妖冶二三月從風
簸蕩落西家西家思婦見之惋零淚沾衣撫心歎
初送我君出戶時何時淹留節迴換牀席生塵明
鏡垢纖腰瘦削髮蓬亂人生不得常稱意惆悵徒
倚至夜半

劉藥染黃絲黃絲歷亂不可治昔我與君始相值
爾時自謂可君意結帶與我言死生好惡不相置
今日見我顏色衰意中索寞與先異還君金釵玊
瑁簪不忍見此益愁思

奉君金卮之旨酒玊瑁玉匣之雕琴七彩芙蓉之
羽帳九華葡萄之錦衾紅顏零落歲將暮寒光宛
轉時欲沉願君裁悲且減思聽我折節行路吟不
見柏梁銅雀上仍聞古時清吹音

璿閨玉墀上椒閣文窓綉戶垂羅幙中有一人字
金蘭被服纖羅采芳藿春燕差池風散梅開惟對
影弄禽雀含歌攪涕不能言人生幾時得為樂寧
作野中之雙鳧不願雲間之別鶴

行路難

釋寶月

君不見孤鷹關外發酸嘶度揚越空城客子心腸

斷幽閨思婦氣欲絕凝霜夜下拂羅衣浮雲中斷
開明月夜夜遙遙徒相思年年望望情不歇寄我
匣中青銅鏡倩人為君除白髮行路難行路難夜
聞南城漢使度使我流淚憶長安

李夫人及貴人歌

陸厥

屬車桂席塵豹尾香烟滅形影向靡蕪青蒲復萎
絕坐萎絕對靡蕪臨丹階泣樹途寡鶴羈雌飛且
止雕梁翠壁網蜘蛛洞房明月夜對此淚如珠

登臺望秋月

沈約

望秋月秋月光如練照曜三爵臺徘徊九華殿九
華玊瑁梁華棖與璧璫以茲雕麗色特照明月光
疑華入黼帳清輝懸洞房先過飛燕戶却照班姬
牀桂宮裏裏落桂枝早寒淒淒凝白露上林晚葉
颯鳴颯鴈門早鴻離離度湛秀質兮似規委清光
兮如素照愁軒之蓬影映金堦之微步居人臨此
笑以歌別客對之傷且慕經衰圍映寒叢凝清夜
帶秋風隨庭雪以比素與池荷而共紅臨玉階之
皎皎含雪霽之濛濛天衢而徒走驟長潢而飛
空隱岩崖而半至隔帷幌而纔通散朱庭之奕奕
入青瑣而玲瓏閑堦悲寡鵠沙洲怨別鴻昭姬泣

殿明君思漢宮余亦何爲者淹留此山東

會圃臨春風

臨春風春風起春樹遊絲暖如烟落花零似霧先
泛天淵池還過細柳枝蝶逢飛搖颺燕值羽差池
揚桂旆動芝蓋開燕裙吹趙帶趙帶飛參差燕裙
合且迴離簪復轉黛顧步惜容儀儀已炤灼春風
復迴薄氛氤桃李花青祚含素萼旣爲風所開復
爲風所落搖絲帶枕紫莖舞春雪雜流鶯曲房開
兮金鋪響金鋪響兮妾思驚梧桐未陰淇川始碧
迎行雨於高唐送歸鴻於碣石經洞房響統素感
幽閨思帷奕想芳園兮可以遊念蘭麝兮新堪摘
拂明鏡之冬塵羅衣之秋襞解旣鏗鏘以動珮又
細縵而流麝搖始蕩以入閨終徘徊而緣隙鳴珠
簾於繡戶散芳塵於綺席是悵時思婦安能久行
役佳人不在茲春風與誰惜

歲暮愍衰草

愍衰草衰草無容色憔悴荒徑中寒萎不可識昔
時兮春日昔時兮春風含華芳佩實垂綠兮散紅
氛氤鳩鵲右照曜望仙東送歸顧莫泣淇水嘉客
淹留懷上宮岩陣兮海岫水多兮霧散爛熳兮客

根攢幽兮石隙布綿密於寒臯吐纖疎於危石旣
惆悵於君子倍傷心於行役露高枝於初旦霜紅
天於始夕彫芳卉之九衢寶靈茅之三眷風急峭
路難秋至客衣單旣傷簷下菊復悲池上蘭飄落
逐風轉方知歲早寒流螢暗明燭鴈聲斷纒續委
紀長信宮蕪穢丹墀曲霜奪莖上紫風銷葉中綠
山奕兮青薇兮黃葦秋鴻兮疎引寒鳥聚兮輕飛
逕荒寒草合桐長舊巖圍夜漸靡蕪沒箱露日沾
衣願逐晨征鳥薄暮共西歸

霜來悲落桐

悲落桐落桐早霜露燕至葉未抽鴻來波已素本
出龍門山長枝仰刺天上峯百丈絕下趾萬尋懸
幽根已盤結孤株復爲絕初不照光景終年負霜
雪自顧無羽儀不願生曲池芬芳本自乏華實無
可施匠者時留盼王孫少見之分取生孤卉徒置
北堂垂宿莖抽晚幹祈葉生故枝々雖遠遠新葉
頗離離春風一朝至榮啓坐如斯自惟良菲薄君
思徒照灼顧已非嘉樹宜用憑阿閣願作清廟琴
爲舞雙玄鶴薛荔可爲裳文杏可爲梁勿言草木
賤徒照若朱光朱光不徙照爲君含嗽眺陰阿綠

水弦陰枝苦寒調厚德不可任敢不虛其若心逢陽春至吐綠照清得

夕行聞

聞夜鶴鶴叫南池對此孤明月臨風振羽伊吾儀人之薄無菲賦命之天爵抱地踟躕促之短長懷隨冬春而哀樂愍海末之驚鳧傷雲間之鶴鶴離離昔未離近發天北垂忽值疾風起暫下昆明池復值冬冰合水宿非所宜欲留不可住欲去飛已疲勢逐疾風舉求溫向衡楚復值南飛鴻參差共成侶海上多雲霧蒼茫失洲嶼自此別故群燭向瀟湘渚故群不離散相依蒼海畔夜止羽相切晝飛影相亂刷羽共浮沉湛澹泛清潏既不得離別安知慕侶心九冬霜雪苦六翮飛不任且養凌雲翅俛仰弄清音所望浮丘子旦夕來見尋

晨征聽曉鴻

聽曉鴻曉鴻度將旦蹇弱水之微瀾發成山之遠岸牀春歸之未幾驚比歲之云半出海漲之蒼茫入雲途之杳漫無東西之可辨孰遐邇之能算微昔見於洲渚越秋期於江漢集勁風於弱軀負重雪於輕翰寒溪可以飲荒臯可以竄溪水自清徒

形豈足翫秋蓬萎兮未極寒草衰兮無色楚山高兮難杳度越水深兮不可測美明月之馳光願征禽之騁翼伊余馬之屢懷知君行之未極夜綿綿而難曉愁參差而盈臆望山川悉無以唯星河猶可識聞鴈夜南飛客淚夜沾衣春鴻思暮交客子方未歸歲去歡娛盡年來客貌非攬衽形雖是撫臆事多違青蒲雖長復易解白雲誠遠詎難依

解珮去朝市

去朝市朝市深歸暮辭北纓而南徂浮東川而西顧逢天地之降祥值日月之重光伊當仁之非薄非余情之信芳充待詔於金馬眷齊宴於柏梁觀闕默於虎圈望宵寤於坡香遊西園兮登銅雀舉青璫兮眺重陽講金華兮議宣室畫武帷兮夕文昌佩甘泉兮履五祚質朽諧兮緩 光託後車兮侍華幄遊勃海泛清漳天道有盈缺寒暑逾炎涼一朝賣玉枕春暮惜餘香曲池無復處桂枝亦銷亡清廟徒蕭蕭四陵久茫茫薄暮余多幸嘉運重來昌忝稽部之南尉典千里之光貴形北荒之濁河惡橫橋於清渭望前軒之早桐對南階之初卉非余情之屢傷寄茲兮能慰昔日兮懷哉日將暮

今歸去來

披褐守山東

守山東山東萬里鬱青葱兩漢共一寫水潔望如
空巖側青莎披岩間丹桂叢上瞻既隱隱下睇亦
冥濛遠林響包獸近樹聒鳴虫路帶若溪右泉吐
金華東萬仞倒危石百丈涇懸叢瀑曳瀉踈電奔
飛似白虹洞升含清氣漏穴吐飛風王寶膏滴瀝
石室乳空籠峭崿塗瀾險豈岵步纒通余拾平生
之所愛歛暮年而斯逢此願一去而不還恨邦衣
之未禡挹林壑之清曠事泯俗之詭紛幸帝德之
方升值天網之未毀既除舊而就新故化民而俗
徙播趙俗以尚徂扇齊風以東靡乳雉方可馴流
蝗庶能弭清心矯世濁儉政救民侈滿秩歸白雲
淹留事芝體

行路難二首

吳筠

君不見上林苑中客冰羅霧縠象牙席盡是得意
忘年者探腸見膽無所惜白酒甜葢甘如乳綠觴
皎鏡華如碧少年持名不肯嘗安知白駒應過隙
博山爐中清和香爵金蘇合及都梁逶迤好氣皆
容貌經過青瑣歷紫房已入中山陰后帳復上皇

帝班姬牀班姬失寵顏不開奉帚供養長信臺日
暮耿耿不能寐秋風切切四面來王階行路生細
草金爐香炭變成灰得意失意須臾間非君方寸
逆所裁

洞庭水上一株桐經霜觸浪困嚴風昔時抽心燿
白日今且臥死黃沙中洛陽名工見咨嗟一剪一
刻作琵琶白壁規心學明月珊瑚映面作風花帝
王見賞不見忘提携把握登建章掩抑摧藏張女
彈殷勤促柱楚明光年年月月對君王遙遙夜夜
宿未央未央綵女棄明簾爭見拂拭生光儀茱萸
錦衣玉作匣安念昔日枯樹枝不學御山南嶺桂
至今載年猶未知

擬樂府

長相思

張牽

長相思名離別美人之遠如雨絕獨延佇心中結
望雲雲去遠望鳥鳥飛滅空望終若斯珠淚不能
雪

長相思久別離所思何在若天垂鬱陶相望不得
知玉階月夕映羅帷風夜吹思長不能寐坐望天
河移

白紵歌辭

歌兒流唱聲欲清舞女越節體自輕歌舞並妙會
人情依絃度曲婉盈々揚蛾為態謹自成
妙聲屢唱輕體飛流津染面散芳菲舉動齊息不
相違今彼佳客澹忘歸時久翫夜月星稀

行路難

費昶

君不見長安客舍門倡家少女名桃根貧窮夜紡
無燈燭何言一朝奉至尊至尊離宮百餘處千門
萬戶不知曙唯聞啞々城上烏王闌金井牽轆轤
丹梁翠柱飛屠蘇香薪桂火炊離胡當年翻覆無
常定薄命為女何必能

君不見人生百年如流電心中坎壇君不見我昔
初入椒房時詎減班姬與飛燕朝踰金梯上鳳樓
暮下瓊鉤息鸞殿柏臺晝夜香錦帳自飛揚笙歌
膝上吹琵琶陌上桑過蒙恩所賜餘光曲沾被既
逢陰后不自專復值班姬有所避黃河十年始一
清微軀再逢永無議蛾眉偃月徒自妍傅粉施朱
欲誰為不如天淵水中鳥雙去双歸長比翅

烏栖曲

皇太子

芙蓉作船絲作糾比斗橫天月將落採蓮渡頭礙

黃河郎今欲度畏風波

浮雲似帳月成鉤那能夜夜南陌頭宜城醞酒今
行熱停鞍繫馬暫栖宿

青牛丹轂七香車可憐今夜宿倡家倡家高樹烏
欲栖羅幃翠帳向君低

織成屏風金屈膝朱唇玉面燈前出相看氣息望
君憐誰能含羞不自前

從軍行

雲中停陣羽檄驚甘泉烽火通夜明二師將軍新
築營嫖姚校尉初山征復有山西將絕世受雄名
三門應遁甲五壘學神兵白雲隨陣色蒼山蒼鼓
聲透迤觀鷺翼參差親鴈行先平小月陣却滅大
宛城善馬還長樂黃金付水衡小婦趙人能鼓瑟
侍婢初笄解鄭聲庭前桃花飛已合必應紅粧起
見迎

和蕭侍中子顯春別四首

別觀蒲萄帶實垂江南豆蔻生連枝無情無意猶
如此有心有恨徒自知

蜘蛛作絲滿帳中芳草結葉當行路紅臉脉脉一
生啼黃鳥飛飛有時度故人雖故昔經新新人雖

新復應故

可憐淮水去來潮春堤楊柳覆河橋淚迹未慘詎
終朝行聞王佩已相要

桃紅李白若朝粧羞持顛預比新楊不惜暫住君
前死愁無西國更生香

雜詩

歷九秋兮三春分遣貴客兮遠賓顧多君心所親
乃命妙妓才人炳若日月星辰

序金罍兮王觴賓主迺起鴈行杯若飛電絕光交
觴接卮結裳慷慨歡笑萬方

春新詩兮夫君爛然虎變龍文渾如天地未分齊
謳楚舞紛紛歌聲上激青雲

窮八音兮異倫竒聲靡靡每新微味素齒丹唇逸
響飄薄梁塵精美眇眇入神

坐咸醉兮沾歡引樽促席臨軒進爵敲壽翻翻千
秋要君一言願愛不移若山

君恩愛兮不竭譬若朝日夕月此景萬里不絕長
保初醮結髮何憂生生胡越

携弱手兮登環上遊飛閣雲間穆若鸞鳳双寫還
幸蘭房自安娛心極樂難原

樂既極兮多懷盛時忽逝若頽寒暑草御景迴春
榮隨風飄摧感物動心增哀

妾受命兮孤靈男兒隨地泮殊女弱難存若無骨
肉至親更疎奉事他人托軀

君如影兮隨形賤妾如水浮萍明月不能常盈誰
能無根保榮良時冉冉代征

雜句春情一首

蝶黃花紫燕相追揚低柳合路塵飛已見垂鈎挂
綠樹誠知其水沾羅衣兩童夾車問不已五馬城
南猶未歸鶯啼春欲歇無為空掩扉

擬古一首

窺紅對鏡斂双眉含愁拭淚坐相思念人一去許
多時服語笑靨迎來情心懷心想甚分明憶人不
忍語御恨獨吞聲

倡樓怨節六言

朝日斜來照戶春鳥爭飛出林片光片影皆麗一
聲一轉煎心上林紛紛花落淇水漠漠苦浮年馳
節流易盡何為忍憶含羞

湘東三春別應令四首

昆明夜月光如練上林朝花色如霰花朝月夜動

春心誰忍相思不相見

試看機上交龍錦還瞻庭裏合歡枝映日通風影
朱幔飄風搖華度金池不聞離人當重合唯悲合
罷會成離

門前楊柳亂如絲直置佳人不自持適言新作裂
紙詩誰悟今成織素辭

日暮徙倚渭橋西正月涼月與雲齊若使月光無
近遠應照離人今夜啼

春別四首

蕭子顯

鶻鶻度燕双比翼楊柳千條共一色但看陌上携
手歸誰能對此空中憶

幽宮積草自芳菲黃鳥着樹情相依爭風競日常
聞響重花墨葉不通飛當知此時動妾思慙使羅
袂拂君衣

江東大道日華春垂楊掛柳掃輕塵淇水昨送淚
沾巾紅粧宿昔已應新

御悲覽涕別心知桃花李花仁風吹本知人心不
似樹可意人別似花離

府栖鳥曲應令二首

握中酒杯碼碯鍾裾邊雜珮琥珀紅欲持寄君心

不惜共指三星今何夕

淚黛紅輕點花色還欲令人不相識金壺夜永誰
能多莫持賒用比懸河

燕歌行

風光遲舞出青蘋蘭若翠鳥鳴發春洛陽梨花落
如雪河邊細草細如茵桐生井底葉交枝今看無
端雙燕離五重飛樓入雲漢九華閣道暗清池遙
看白馬津上吏傳道黃龍征戍兒明月金光徒照
妾浮雲玉葉君不知思君昔去柳依依至今八月
避暑歸明珠蚕蠶登勉機鬱金香礪持香衣落陽
城頭雞欲曙丞相府中鳥未飛夜夢征人縫狐貉
私憐織婦裁錦緋吳刀鄭綿絡寒閨夜披薄芳年
海上水中鬼日暮寒夜空城雀

行路難

王筠

千門皆閉夜何央百憂俱集斷人腸探揣箱中取
刀尺拂拭機上斷流黃情人逐情可恨傷畏邊路
遠乏衣裳已繩一爾催衣縷復擣百和裏衣香猶
憶去時腰大小不知今日身短長柎襠双心共一
株柏複兩邊作八襪襪帶雖安孔穿開裁逢忍不
猶未達宵前却月兩相連本照君心不照天願君

分明得此意勿復流蕩不如先含悲含怨判不死
封情忍思待明年

元廣州景仲座見故姬一首 右劉孝綽
留故夫不踟躕別待春山上相看採薜蘿

詩擬古應教

劉孝威

双栖翡翠兩鴛鴦巫雲落月乍相忘誰家妖冶折
花枝蛾眉暎睇使情移青鋪綠隙流璃扉瓊筵玉
筥金縷衣美年人幾何十餘含羞轉笑斂風裾珠
丸出彈可追空留可憐持與誰

別義陽郡

徐君倩

翔鳳樓遙望與雲浮歌聲臨樹出舞影入江流葉
落看村近天高應向秋
飾面亭粧成更點星頰上紅疑淺眉心黛不青故
留殘粉絮掛看箔簾釘

王叔英婦贈荅一首

粧鉛點黛拂輕紅鳴環動珮出房櫳看梅復看柳
淚滿春衫中

日白紵曲

沈約

蘭葉參差桃半紅飛芳舞穀戲春風翡翠群飛飛
不息願在雲間長比翼

秋日白紵曲

白露欲凝草色黃金瑄玉桂響洞房双心一影俱
廻翔吐情寄君君莫忘

玉臺新詠目錄卷之十

古絕句四首

欣妻李夫聯首句

情人碧玉歌

情人桃葉歌

荅團扇歌

東陽漢中贈

丁都護歌

擬徐幹詩一首

詠補襦枕

閨婦荅隣人

寄行人

石城樂

估客樂

烏夜啼

襄陽樂

楊叛兒

春歌

秋歌

前溪

賈充

孫綽

王獻之

桃葉

靈運謝

宋孝武

許瑤

鮑令暉

歡聞歌

獨曲

青陽歌曲

雜詩

丹陽孟珠歌

鏡塘蘇小歌

擬古

代徐幹

秋夜

玉階怨

金谷聚

王孫遊

同王主簿有所思

玉階怨

襄陽白鞮銅

早行逢故人車中為贈

為隣人有懷不至

詠王昭君

詠酌酒人

吳興妖神謝贈府君覽

長樂佳

潯陽樂

蚕絲歌

王元長

詠火

謝眺

虞炎

沈約

施榮泰

高爽

採菱

江洪

淶水曲

秋風

詠美人浴粧

范靜婦

王昭君嘆

何遜

映水曲南院

為人妾思

閨怨

秋閨怨

詠春風

吳均

雜句

王僧孺

春思

徐悱婦

為徐僕射妓作

光宅寺

題甘蕉葉作示人

摘同心梔子贈娘附此詩

代陳慶之美人為詠

夢見故人

有期不至

代西豐侯美人

邊戍

王環

詠燭

梁武帝

笛

筆

舞

聯句詩

春歌

夏歌

秋歌

子夜歌

上聲歌

歡聞歌

團扇歌

碧玉歌

皇太子

襄陽白銅鞮歌

雜詠

行雨

華月

從頓還城南

春江曲

彈箏

詠武陵王左右五

傳杯

有所思

贈麗人

愁閨照鏡

浮雲

和人渡水

春閨思

詠苑中遊人

新燕

夜遣內人還舟

梁塵

夜夜曲

寒閨

遊人

遙望

蕭子顯

八二

遙見美人採荷

劉孝綽

詠小兒採菱

詠舞曲應令

詠主人少姬應教

詠長信宮中草

石崇金谷妓

蕩婦高樓月

南浦別佳人

詠織女

石蓮

和定襄候初笄

古體雜意

佳麗

和定襄候楚越衫

為徐陵傷妾

袖複

殘燈

暮寒

歌眼

繁華

庾肩吾

王臺卿

劉孝儀

劉孝威

江伯瑤

何曼才

蕭麟

紀少瑜

王叔英婦

玉臺新詠卷第十
古絕句四首

葉砧今何在山上復有山何當大刀頭破鏡飛上天
日暮秋雲陰江水清且深何用通音信蓮花玳瑁簪
菟絲從長風根莖無斷絕無情尚不離有情安可別
南山一樹桂上有双鴛鴦千年長交頸歡慶不相忘
與妻李夫人聯句 賈充

室中是阿誰難息聲正悲 難息亦何為但恐大義虧 大義同膠漆匪石心不移 人誰不慮終日月有合離 我心子所達子心我所知 若能不食言與君同所宜

情人碧玉歌 孫綽

碧玉小家女不敢攀貴德感郎千金意慙無傾城色
碧玉破瓜時郎為情顛倒感君不羞報迴身就郎抱

情人歌

王獻之

桃葉復桃葉渡江不用檝但渡無所苦我自來迎

接

桃葉復桃葉々々連桃根相隣兩樂事獨使我殷

勤

荅扇歌

七寶畫團扇粲爛明月光與郎却暄暑相憶莫相

忘

青青林中竹可作白團扇動搖郎玉手因手託方

便

團扇復扇許持自障面憔悴無復理羞與郎相

見

東陽漢中贈荅

謝靈運

可憐誰家婦綠流洗素足明月在雲間迢迢不可

得

可憐誰家郎綠流乘素舸但問情君為月就雲中

墜

丁督護歌二首

宋孝武

督護征初時儂亦惡聞許願作石尤風四面斷行

旅

黃河流無極洛陽數千里坎軻我途間何由見歡

子

擬徐幹詩一首

自君之出矣珠翠闇無精思君如日月迴環晝夜

生

詠補襦枕

端木生河側因病遂成妍朝將雲鬢別夜與蛾眉

連

閨婦荅憐人

昔如影與形今如胡與越不知行遠近忘却離年

月

寄行人

桂吐兩三枝蘭閣四五葉是時君不歸春風從笑

妾

近代西曲歌五首

石城樂

生長石城下開門對城樓城中美少年出入見依

投

估客樂

有客數寄書無信心相憶莫作瓶落井一去無消

息

烏夜啼

歌舞諸年少娉婷無種跡
葛蒲花可憐聞君不曾織

襄陽

朝發襄陽城暮至大堤宿
大堤諸女兒花艷驚郎目

楊叛兒

暫出白門前楊柳可藏烏
郎作沉香儂作博山爐

近代吳歌九首

春歌

朝日照北林初花錦綉色
誰能春不思獨在機中織

夏歌

爵蒸仲暑月長嘯北湖邊
芙蓉始結葉拋艷未成運

秋歌

秋威入窓裏羅帳起飄颺
仰頭看月明寄情千里光

冬歌

淵冰厚三尺素雪覆千里
我心如松柏君心復何似

前溪

黃鳥結蒙隴生在洛溪邊
花落隨流去何見逐流還

上聲歌

新衫繡兩襠追置羅裳裏
微步動輕塵羅裙隨風起

歡聞歌

遥遥天無柱流漂萍無根
單身如螢火持底報郎君

長樂佳

紅羅複斗帳四角垂珠璫
玉枕龍鬚席郎眠何處

獨曲

柳樹得春風一低復一昂
誰能空相憶獨眠度三陽

近代雜歌五首

潯陽樂

稽亭人去去九里新人還
送一便迎兩無有暫時

閑

青陽歌曲

青荷蓋綠水芙蓉發紅鮮下有並根藕上有同心蓮

蚕絲歌

春蚕不應老晝夜常懷思何惜微軀盡纏綿自有時

雜詩

玉釧色分未衫輕似露腕舉袖欲障羞迴持理髮亂

丹陽孟珠歌

陽春二三月草與水同色道途遊冶郎恨不早相識

錢塘蘇小歌

妾乘油壁車郎騎青驄馬何處紅同心西陵松柏下

擬古

王元長

花蒂今何在亦是林下生何當垂双鬢團扇雲間明

徐幹代

自君之出矣金爐香不燃思君如明燭中宵空自煎

秋夜

秋夜長復長夜長樂未央舞袖拂明燭歌聲繞鳳梁

詠火

冰容慙遠鑿水質謝明輝是照相思夕早望行人歸

王階怨

謝朓

夕殿下珠簾流螢飛復息長夜縫羅衣思君此何極

金谷聚

渠碗送佳人玉杯要上客車馬一東西別後思今夕

王孫遊

綠草漫如絲雜樹紅英發無論君不歸君歸芳已歇

同王主簿有所思

佳期期未歸望望下鳴機徘徊東陌上月出行人稀

王階怨

虞炎

紫藤拂花樹黃鳥間青枝思君一歎息苦淚應言

垂

襄陽白銅鞮

沈約

分手桃林巖送別硯山頭若欲寄普息漢水向東

流

早行逢故人車中為贈

殘朱猶暖暖餘粉尚霏霏昨宵何處宿今晨拂露

歸

為隣人有懷不至

影逐斜月來香隨遠風入言是定知非欲笑翻成

泣

詠王昭君

施榮泰

垂羅下椒閣舉袖拂胡塵即々撫心歎蛾眉誤殺

人

詠酌酒人

高爽

長筵廣末同上客嬌難逼還杯了不顧迴身正顏

色

吳興妖神贈謝府君覽

玉釵空中墜金鈿色行歌獨泣謝春風孤夜傷明

月

採菱

江洪

風生綠葉聚波動紫莖開含花復含實正待佳人

來

白日和清風輕雲雜高樹忽然當此時採菱復相

遇

水曲

潺湲復皎潔輕鮮自可悅橫使有情禽照影遂孤

絕

塵容不忍飭臨池思客歸誰能取淶水無處浣羅

衣

秋風

孀居憎四時況在秋閨內淒葉流晚暉虛庭吐寒

菜

北牖風摧樹南籬寒蛩吟庭中無限月思婦夜鳴

砧

詠美人冶粧

上車畏不妍顧盼更斜轉大恨畫眉長猶言顏色

淺

王昭君嘆

范靜婦

早信丹青巧重貨洛陽師千金買蟬鬢百萬寫蛾眉

今朝猶漢地明旦入胡關高堂歌吹送遊子夢中還

映水曲

輕鬢學浮雲雙蛾擬初月水澄正落釵萍開理垂髮

南苑

何遜

苑門闢千扇苑戶開萬扉樓殿聞珠履竹樹隔羅衣

閨怨

閨閣行人斷房櫺月影斜誰能比窓下獨對後園花

為人妾思

燕戲還簷際花飛落枕前寸心見不見拭淚坐調絃

詠春風

可聞不可見能重復能輕鏡前飄落粉琴上響餘聲

秋閨怨

竹葉響南窓月光照東壁誰知夜獨覺枕前双淚滴

雜句

吳均

畫蟬已傷念夜露復沾衣昔別曾何道今夕螢光飛

錦腰連枝滴繡領合觀斜夢中雖不見終成亂眠

花

蜘蛛簷下掛絡緯井邊啼何曾得見子照鏡窓東

西

泣聽離夕歌悲衙別時酒自從今日去當復相思

否

春思

王僧孺

雪罷枝即青冰開水便綠復聞黃鳥吟今作相思曲

為徐僕射妓作

日晚應歸去上客強盤桓稍知玉釵重漸見羅襦

光宅寺

徐悱婦

長廊欣目送廣殿悅逢迎何當曲房裏幽隱無人聲

題甘蕉葉示人

夕泣似非疎夢啼太真數唯當夜枕知過此無人
竟

摘同心梔子贈謝娘因附此詩

兩葉雖為贈交情永未因同心處何恨梔子最關
人

代陳慶之美人為詠

臨粧欲含涕羞畏家人知還待粉中絮擁淚不聽
垂

夢見故人

竟寵方知恨人心定不同誰能對角枕長夜一邊
空

有期不至

黃昏信使斷御怨心悽悽迴燈向下榻轉面暗中
啼

代西豐侯美人

王環

於今辭宴語方念泣離違無因從朔鴈一向黃河
飛

邊戍

梁武帝

秋月出中天遠近無偏異共照一光輝各懷離別

思

詠燭

堂中綺羅人席上歌舞兒待我光泛灩為君照參
差

詠筆

昔聞蘭蕙月獨是桃李年春心倘未寫為君照情
筵

詠笛

柯亭有奇竹含情復抑揚妙聲發五指龍音響鳳
凰

詠舞

腕弱復低舉身輕由迴縱可謂寫自歡方與心期
共

聯句詩

傾城非人美十載難重逢雖懷軒中意愧無鬢髮
容

春歌

階上歌入懷庭中花照眼春心一如此情來不可
限

蘭葉始滿地梅花已落枝持此可憐意摘以寄心

知
朱日光素冰黃花映白雪拆梅寄佳人共迎陽春
月

夏歌

江南蓮花開紅光復碧水色同心復同藕異心無

異
閨中花如綉簾上露如珠欲知有所思停織復踟

蹰
玉盤着朱李金杯盛白酒雖欲持自新五恐不甘

口
含桃落花日黃鳥營飛時君住馬已疲妾去蚕欲

飢
秋歌

繡帶合歡結錦衣連理文情懷入夜月含笑出朝

雲
七米紫金桂九華白玉梁但歌雲不去含吐有餘

香
吹漏未可停絃斷更當續俱作雙絲引共奏同心

曲
當信抱梁期莫聽迴風音鏡上兩人髻分明無兩

心

子夜歌

持愛如欲進含羞未肯前朱口發艷歌玉指弄嬌

絃

朝日照綺牋光風動紈羅巧笑舊兩犀美目揚双

蛾

上聲歌

花色過桃杏名稱重金瓊名垂非下里含笑作上

聲

歡聞歌

艷艷金樓女心如玉池蓮持底報郎思俱期遊梵

天

南有相思木合清復同心遊女不可求詎能息空

陰

團扇歌

手中白團扇淨如秋團月清風任動生嬌香承意

發

碧玉歌

杏梁日始照蕙席歡未極碧玉奉金杯綠酒助花

色

襄陽白銅鞮歌

陌頭征人去 閨中女下機
含情不能言 送別沾羅衣

草樹非一香 花葉百種色
寄語故情人 知我心相意

龍頭紫金鞍 翠肫白玉羈
照耀双闕下 知是襄陽兒

皇太子二十一首

被空眠數覺 寒重夜風吹
罷幃非海水 那得度前知

行雨

本自巫山來 無人覩容色
唯有楚王臣 曾言夢相識

梁塵

依帷濛重翠 帶日聚輕紅
定為歌聲起 非關團扇風

華月

兔絲生雲夜 蛾影出漢時
欲傳千里意 不照十年悲

夜夜曲

北斗欄干去夜々 心獨傷月輝
橫射枕燈光半隱

從頓還城南

暫別兩成疑 開簾生舊憶
都知未有情 更似新相識

春江曲

客行支念路 相將度江口
誰知堤上人 拭淚空搖手

新燕

新禽應節歸 俱向吹樓飛
入簾驚劍響 來窓礙舞衣

彈箏

彈箏北窓下 夜響清音愁
張高絃易斷 心傷曲不道

夜遣內人還後舟

錦幔扶船冽 蘭橈拂浪浮
去燭猶文水 餘香尚滿舟

詠武陵王左右

頂分如兩髻 簪長驗上頭
投杯如欲轉 疑殘已復留

有所思

可歎不可思，可思不可見。餘絃斷瑟柱，殘朱染歌

扇

寂寂暮簷響，黯黯垂簾色。唯有瓠瓶苔，如見蜘蛛

織

入林看磳礮，春至定無餘。何時一可見，更得似梅

花

遊人

遊戲長楊苑，携手雲臺間。歡樂未窮已，白日下洛

山

贈麗人

腰肢本猶絕，肩助特驚人。判自無相比，還來有洛

神

遙望

散誕垂紅帔，斜柯插玉簪。可憐無有比，恣許直千

金

愁閨照鏡

別來顛顚久，他人怪容色。只有匣中鏡，還持自相

識

浮雲

可憐片雲生，暫重復還輕。欲使襄王夢，應過白帝

寒閨

綠葉朝朝黃，紅顏日日異。譬喻持相比，那堪不愁

思

和人渡水

婉婉新上頭，前裾出樂遊。帶前結香草，髮邊擇石

榴

春閨思

金羈遊俠子，綺機離思妾。春度人不歸，望花盡成

葉

詠苑中遊人

二月春心動，遊望桃花初。迴身隱日扇，却步欽風

裾

遙見美人採荷

菱莖時繞劍，棹水或沾粧。不辭紅袖濕，唯憐綠葉

香

詠小兒採

採菱非採淥，日暮且盈舫。踟躕未敢進，畏欲比殘

桃

詠舞曲應令

歌聲臨盡閑舞袖出芳林石城定若遠前溪應幾深

詠主人少姬應教

故年齊總角今春半上頭那知夫婿好能降使君留

詠長信宮中草

委翠似知節含芳如有情全由履迹少併欲上階生

石崇金谷妓

蘭堂上客至綺席清絃撫自作明君辭還赦綠珠舞

蕩婦高樓月

空庭高樓月非復三五圓何須照林裏終是一人眠

王臺卿

南浦別佳人

歛容送君別一歛無開時只應待相見還將笑解眉

詠織女

金鈿已照曜白日未蹉跎欲待黃昏後含嬌渡淺

劉孝儀

河

詠石蓮

蓮名堪百萬石姓重千金不解無情物那得解人心

和定襄侯初笄

劉孝威

合髮仍昔髮略髮即前絲從今一梳罷無復更繁時

古體雜意

朝日大風霜寄事是交傷葉落枝柯淨常自起某張

詠佳麗

可憐將可念可念直千金唯言有一恨恨不遂人心

和定襄侯楚越衫

裁縫在篋筒薰髻帶餘香開看不忍着一見落千行

為徐陵傷妾

何曼才

遲々衫掩淚憫々恨縈骨無復專房日猶望下山逢

詠柏複

蕭麟

的的金絃淨離離寶撮分纖腰非學楚寬帶為思君

詠殘燈

紀少瑜

殘燈猶未滅將盡更揚輝唯餘一兩燄纔得解羅衣

暮寒

王叔英婦

梅花自爛熳百舌早迎春逾寒衣逾薄未肯惜腰身

詠歌眠

戴高

拂枕薰紅帕迴燈復解衣傍邊知夜永不喚定應歸

詠繁華

劉泓

可憐宜出衆的々最分明秀眉開雙眼風流右語聲

玉臺新詠卷之十

玉臺新詠集後序

右玉臺新詠集十卷幼時至外家李氏於廢書中得之舊京本也宋失一葉間復多錯謬版亦時有刻者欲求他本是正多不獲嘉定乙亥在會稽始從人借得豫章刻本財五卷蓋至刻者中徒故弗畢也又聞有得石氏所藏錄本者復求觀之以補亡校脫於是其書復全可繕寫夫詩者情之發也征戍之勞苦室家之怨思動於中而形於言先王不能禁也豈惟不能禁且逆探其情而著之東山杖杜之詩是矣若其他變風化雅豈謂無膏沐誰適為容終朝采綠不盈一掬之類以此集揆之語意未大異也顧其發乎情則同而止乎禮義者蓋鮮矣然其間僅合者亦一二焉其措詞託興高古要非後世樂府所能及自唐花間集已不足道而况近代狹邪之說號為以筆墨動淫者乎又自漢魏以來作者皆在焉多蕭統文選所不載覽者可以觀歷世文章盛衰之變云是歲十月旦日書其後永嘉陳玉父

右陳徐陵纂唐李康成云昔陵在梁世父

子俱事東朝特見優遇時承平好文雅尚

宮體故采西漢以來詞人所著樂府艷詩
以備諷覽
見讀書志

玉臺新詠後序